


DS
735
A2Y86
1771a
v. 9



御批歷代通鑑輯覽卷之十七

漢

孝昭皇帝

辛丑元鳳元年。應劭曰。以鳳下冠元。春三月。徵有行義者韓福等至長安。賜帛遣歸。

賜郡國所選有行義者韓福等五人帛各五十匹遣歸。詔曰。朕閔勞以官職之事。其務修孝弟。以教鄉里。令郡縣以正月賜羊酒。有不幸者。賜衣被一襲。祠以中牢。

秋七月乙亥晦日食。

九月。鄂邑長公主燕王旦。上官桀安等謀反。皆伏誅。

上官桀父子爲丁外人求封侯。霍光不許。又爲外人求

光祿大夫欲令得召見。又不許。長主以是大怨光。而桀
安亦慙。自武帝時。桀位在光右。及是。皇后親安女。光乃
其外祖。而顧專制朝事。由是與光爭權。燕王旦常懷怨
望。桑弘羊欲爲子弟得官。亦怨恨光。于是蓋主。桀。安。弘
羊皆與旦通謀。詐令人爲燕王上書。言光出都肄郎羽
林。都試肄習謂大道上稱蹕。又擅調益莫府校尉。莫府大將
也軍府專權。自恣疑有非常。候伺光出沐日奏之。桀欲從
中下其事。弘羊當與諸大臣共執退光。書奏。帝不肯下。
明旦。光聞之。止畫室中。室中有武帝所賜周不入上問。
公負成王之圖書大將軍安在。桀對曰。以燕王告其罪。故不敢入。有詔召
大將軍。光入。免冠頓首謝。上曰。將軍冠。朕知是書詐也。

將軍無罪。光曰：「陛下何以知之？」上曰：「將軍之廣明。」亭名。之往。

也。都郎屬耳。

屬近也。言調校尉以來未能十日。燕王何近日事也。

以知之。且將軍爲非，不須校尉。是時帝年十四，尙書左右皆驚。而上書者果亡，捕之甚急。桀等懼，白上：「小事不足遂。」上不聽。後桀黨與有譖光者，上輒怒曰：「大將軍忠臣，先帝所屬，以輔朕身，敢有毀者，坐之。」自是不敢復言。桀等謀令長公主置酒，請光、伏兵格殺之。因廢帝而立燕王。旦旦以語相平。燕王之相名平。平曰：「左將軍素輕易，車騎少而驕，臣恐其不能成。」又恐旣成，反大王耳。旦不聽。安果謀誘燕王至而誅之，因廢帝而立桀。會蓋主舍人父

燕燕以國爲氏。

倉知其謀，以告大司農楊敞。

華陰人。

敞素謹畏

事乃移病卧以告杜延年延年以聞九月詔捕桀安弘

羊外人等并宗族悉誅之蓋主燕王皆自殺皇后以年少不與聞

以霍光外孫得不廢燕太子建蓋主子文信赦為庶人

冬十月以張安世張湯子字子孺為右將軍杜延年為太僕

大將軍光以朝無舊臣安世自先帝時為尚書令志行

純篤乃白用安世為右將軍兼光祿勳以自副焉初武帝幸

河東亡書三篋詔問莫能知惟安世識之具作其事後購得書以相校無所遺失帝奇其材擢為光祿大夫至

是光益又以延年有忠節擢為太僕右曹給事中光持刑罰

嚴延年常輔之以寬吏民上書言便宜輒下延年平虞覆奏

癸卯三年春正月泰山石立上林僵柳復起生

泰山有大石自起立旬旬有數千人聲民視之有大石自立高丈五尺大四十八圍入地

睦孟伏誅罪常也宣帝官其子何為乎

深八尺。三上林有僵柳自起生有蟲食柳葉成文字曰石為足。

公孫病已立符節令睦孟魯國蕃人上書言大石自立僵柳

復起必有匹庶為天子當求賢人禪帝位以順天命坐

設妖言惑眾伏誅。後五年宣帝立徵孟子為郎。

冬遼東烏桓反遣將軍范明友將兵擊之。

初冒頓破東胡東胡餘眾散保烏桓。亦曰烏丸遼史地理志烏州有烏丸

山今阿祿科爾沁西北有烏聯山或曰即烏丸山及鮮卑山在今喀爾沁右翼為二族

世役屬匈奴武帝擊破匈奴左地因徙烏桓于上谷漁

陽右北平遼東。俱漢郡注見前塞外偵察匈奴動靜置護烏桓

校尉監領之使不得與匈奴交通至是部眾漸强遂反

漢得匈奴降者言匈奴方發二萬騎擊烏桓霍光欲邀

擊之以問護軍都尉趙充國。充國以爲烏桓間數犯塞。今匈奴擊之于漢便。又匈奴希寇盜北邊。幸無事。蠻夷自相攻擊。而發兵要之。招寇生事。非計也。光更問中郎將范明友。明友言可擊。于是拜明友爲度遼將軍。將二萬騎出遼東。匈奴引去。初。光戒明友不空出。卽後匈奴遂擊烏桓。明友乘烏桓敝。擊之。斬獲甚衆。匈奴田是恐。不敢復出兵。明年封明友爲平陵侯。

甲辰四年春正月。帝冠。

丞相千秋卒。

諡曰定。

以王訢

濟南人。

爲丞相。

封宜春侯。

千秋居丞相政事。一決大將軍光。千秋謹厚。自守而已。

千秋年老。上優之。朝見得乘小車入宮殿中。故因號曰車丞相。

夏五月孝文廟正殿火。

上及羣臣皆素服。發中二千石將五校。

將作大匠屬有左右前後中五

校作治。六日成。

遣使誘樓蘭王安歸殺之。

初樓蘭王死。匈奴先聞之。遣其質子安歸歸。得立爲王。

漢詔令入朝。王辭不至。復爲匈奴反間。數遮殺漢使。駁

馬監傳介子。

北地義渠人。

使大宛。詔因令責樓蘭王。王謝服。

介子還。謂大將軍曰。樓蘭數反覆而不誅。無所懲艾。願

往刺之。以威示諸國。大將軍白遣之。介子齎金幣。揚言

以賜外國爲名。至樓蘭。王貪漢物。來見介子與坐。飲醉。

謂曰。天子使我私報王。王起。隨介子入帳中。壯士二人。

從後刺之遂斬其首馳傳詣闕縣北闕下立其弟在漢者尉屠耆爲王更名其國爲鄯善復遣吏士田其國伊

循城鄯善地名以填撫之封介子爲義陽侯

乙巳五年夏大旱

冬大雷

丞相訢卒諡曰敬

丙午六年冬十一月以楊敞爲丞相封安平侯

丁未元平元年春二月減口賦錢十三漢儀注民年七歲至十四出口賦八十二

三錢二十錢以食天子其三錢者武帝加口錢以補車騎馬

詔曰天下以農桑爲本日者省用罷不急官謂非要職減外

繇耕桑者益衆而百姓未能家給朕甚愍焉其減口賦

錢有司奏請減十三上許之

有流星大如月衆星隨西行

夏四月帝崩大將軍光承皇后詔迎昌邑王賀詣長安六月入卽位尊皇后曰皇太后

帝崩無嗣時武帝子獨有廣陵王胥羣臣欲立之胥本以行失道先帝所不用大將軍光不自安郎有上書言周太王廢太伯立王季文王舍伯邑考立武王惟在所宜雖廢長立少可也廣陵王不可以承宗廟言合光意光卽日承皇后詔迎昌邑王賀詣長安郎賀昌邑哀王髡之子素狂縱動作無節武帝之喪游獵不止中尉王吉字子陽琅邪阜虞人切諫吉曰大王不好書術而樂逸游非所以全壽命之宗又非所以進仁義之

隆也。皇帝仁聖。至今思慕未怠。于宮館園池弋獵之樂。未有所幸。大王宜夙夜念此。以承聖意。諸侯骨肉莫親。大王于屬則子。于位則臣。一身而二任之責加焉。恩愛行義。娥介有不具者。于以上聞。非監國之福也。王

乃下令曰。中尉甚忠。數輔吾過。使賜牛肉酒脯。而放縱

自若。郎中令龔遂。字少卿。山陽人。忠厚剛毅。有大節。內諫諍王。

外責傅相。引經義。陳禍福。至于涕泣。蹇蹇亡已。請選郎

通經有行義者。與王起居。坐則誦詩書。立則習禮容。王

許之。數日皆逐去。王嘗見大白犬。頸以下似人。冠方山

冠狗也。去之則存。不去則亡矣。又見大熊。左右莫見。以

問遂。遂曰。山野之獸。來入宮室。宮室將空。危亡象也。王

仰天嘆曰。不祥何為數來。遂叩頭曰。臣不敢隱忠。數言

危亡之戒。大王不悅。夫國之存亡。豈在臣言哉。願王內

自揆度。大王誦詩三百五篇。人事決。王道及徵書至夜

備王之所行。中詩一篇何等也。王終不改。及徵書至夜

漏未盡一刻。以火發書。日中發。晡時至定陶。行百三十

五里。王吉奏書戒王曰。臣聞高宗諒闇。三年不言。今大王以喪事徵。宜日夜哭泣悲哀而已。慎無有所發。大將軍仁愛勇智忠信之德。天下莫不聞。願大王事之敬之。政事一聽之。大王垂拱南面而已。王到霸上。大鴻臚郊迎。騶奉乘輿車。王使遂驂乘。至廣明東都門。遂曰。禮。犇喪。望見國都哭。王曰。吾嗌痛不能哭。至城門。遂復言。王曰。城門與郭門等耳。且至未央宮東闕。遂曰。昌邑帳在是。大王宜下車。鄉闕西面。伏哭盡哀止。王曰。諾。到哭如儀。六月。受璽綬。襲尊號。

葬平陵。

在西安府咸陽縣東北。

賀善贊曰。昭帝初元。卽遣使問民疾苦。繼賑貸種食。後又罷榷酤官。減口賦錢。然後虛耗之民。始有生意。昭帝

奉迎昌邑光倥偬不能慎始以致廢立滋事幸其所處得當為無過耳其時皇曾孫素有賢名使早諮訪立之何待丙吉奏記謀之不臧乃轉咎舊日師傅不舉之罪豈非辭遁

于是可謂善繼矣。

昌邑王有罪。大將軍光率羣臣奏太后廢之。

昌邑王淫戲無度。大將軍光憂懣。以問故吏大司農田

延年。

字子賓。本齊諸田。後徙陽陵。

延年曰。將軍為國柱石。審此人不

可。何不建白太后。更選賢而立之。光曰。今欲如是。于古

嘗有此不。延年曰。伊尹相殷。廢太甲。以安宗廟。後世稱

其忠。將軍若能行此。亦漢之伊尹也。光乃引延年給事

中。陰與張安世圖計。

王出遊。光祿大夫夏侯勝當乘輿前諫曰。天久陰而不雨。臣下有謀

上者。陛下出欲何之。王怒。縛勝屬吏。光讓安世。以為泄語。安世實不言。乃召問勝。勝言在洪範傳曰。皇之不極。厥罰恒陰。時則下人有伐上者。惡察察言。光安世大驚。以此益重經術士。夏侯勝字長公。魯東平人。既

定議。召丞相。御史。將軍。列侯。中二千石。大夫。博士。會議。

未央宮。光曰：昌邑王行昏亂，恐危社稷，如何？羣臣皆驚愕，失色，莫敢發言。延年離席，按劍曰：「先帝屬將軍以幼孤，寄將軍以天下，以將軍忠賢能安劉氏也。今羣下鼎沸，社稷將傾，且漢之傳謚常爲孝者，以長有天下。令宗廟血食也。如漢家絕祀，將軍雖死，何面目見先帝于地下乎？今日之議，不得旋踵。」羣臣後應者，臣請劒斬之。」光謝曰：「九卿責光是也。」于是議者皆叩頭曰：「唯大將軍令。」光卽與羣臣俱見白太后。太后乃幸未央承明殿。詔諸母內昌邑羣臣安世將羽林騎收縛二百餘人皆送廷尉語獄勅左右謹宿衛卒有物故自裁令我負天下有殺盛服坐武帳中，侍御數百人，皆持兵，期門武士陛戟陳列殿下。羣臣以次上殿，召昌邑王伏前聽詔。尙書

令讀奏曰丞相臣敞等昧死言。孝昭皇帝早棄天下。遣使徵昌邑王典喪服斬衰。無悲哀之心。廢禮誼居道上。不素食。使從官畧女子。載衣車。內所居傳舍。受璽大行前。就次發璽不封。從官更持節。引內昌邑騶宰官奴。與居禁闥內敖戲。發樂府樂器。擊鼓歌吹作俳倡。召內泰壹宗廟樂人。祭泰一樂人也。悉奏衆樂與孝昭皇帝宮人蒙等淫亂。太后曰止。爲人臣子。當悖亂如是邪。王離席伏。尙書令復讀曰。祖宗廟祠未舉。爲璽書使使者持節。以太牢祠昌邑哀王園廟。稱嗣子皇帝。受璽以來。二十七日。使者旁午持節詔諸官署。徵發凡一千一百二十七事。荒淫迷惑。失帝王禮誼。亂漢制度。臣敞等數進諫。不

變更日以益甚恐危社稷天下不安臣敞等謹與博士

議皆曰五辟

刑也

之屬莫大不孝宗廟重于君王不可

以承天序奉祖宗廟子萬姓當廢臣請有司以一太牢

具告祠高廟皇太后詔曰可光令王起拜受詔脫其璽

組奉上太后扶王下殿出金馬門就乘輿副車光送至

邸謝曰王行自絕于天臣寧負王不敢負社稷願王自

愛涕泣而去羣臣奏請徙王賀房陵

漢縣故城在今湖北鄖陽府房縣

詔歸賀昌邑賜湯沐邑二千戶國除為山陽郡

昌邑羣臣坐在

國時不舉王罪過令漢朝不聞知又不能輔道陷王大

惡皆下獄誅殺二百餘人唯中尉吉郎中令遂得減死

髡為城旦師王式繫獄當死使者責曰師何以無諫書

式對曰臣以詩三百五篇朝夕授王至于忠臣孝子之

篇未嘗不為王反覆誦之也至于危亡失道之君未嘗

亦得減死論。光以太后省政。宜知經術。自令夏侯勝用
尚書授太后。遷勝長信少府。賜爵關內侯。王式。東平
新桃人。

秋七月。迎武帝曾孫病已入即位。

初。衛太子納史良娣。

太子妃有三等。曰妃。曰良娣。曰孺子。

生子進。號史皇

孫。

以外家姓稱之也。

皇孫納王夫人。

名翁須。涿郡廣望人。

生子病已。號皇

曾孫。生數月。遭巫蠱事。太子男女妻妾皆受害。獨皇曾

孫在。亦坐收繫郡邸獄。故廷尉監丙吉。

丙氏出祁。以邑為氏。後去邑。吉。

字少卿。魯國人。受詔決獄。心知太子無事實。重哀皇曾孫無辜。

擇謹厚女徒胡組。郭徵卿。令乳養。吉日再省視。望氣者

言長安獄中有天子氣。武帝遣使者分條中都官詔獄。

漢儀注長安中諸官府獄三十六所。繫者無輕重皆殺之。夜到郡邸獄。吉

非獨望氣之言。是為據
即帝亦寤之語。豈當時所
應有。史臣事後附會。更何
待言。

閉門不納曰。他人無辜死者。猶不可。況親曾孫乎。使者不得入。還以聞。武帝亦寤。曰。天使之也。因赦天下。吉聞。史良娣有母貞君。及兄恭。乃載皇曾孫付之。後有詔。掖庭養視。上屬籍宗正。時掖庭令少府屬張賀嘗事衛太子。思顧舊恩。哀曾孫。奉養甚謹。欲以女孫妻之。賀弟安世爲右將軍。輔政。怒曰。曾孫乃衛太子後也。勿復言。子女事。時暴室。漢官儀。暴室。主宮人。疾病者。有罪。亦就此。嗇夫許廣漢。昌邑人。爲郎。以罪下獄。有女。賀以家財聘之。曾孫因依倚廣漢兄弟。及史氏。受詩于東海馭中翁。馭。姓中翁名。高材好學。然亦喜游俠。鬪雞走狗。上下諸陵。周徧三輔。以是具知閭里姦邪。吏治得失。及是。吉奏記光曰。今社稷宗廟羣生之命。在將軍。

之一舉。竊伏聽之衆庶。其所言諸侯宗室在列位者。未有所聞也。而武帝曾孫名病已。在掖庭外家者。十八九年矣。通經術。有美材。行安而節和。願將軍詳大義。參以蓍龜。先使入侍。令天下昭然知之。然後決定大策。天下幸甚。七月。光會丞相以下。議定所立。遂上奏曰。孝武皇帝曾孫病已。年十八。師授詩論語。孝經躬行節儉。慈仁愛人。可以嗣孝昭皇帝後。承祖宗子萬姓。皇太后詔曰。可。光遣宗正德辟彊子。字路叔。迎曾孫。就齋宗正府。明日。入未央宮。見太后。封爲陽武侯。羣臣奏上璽綬。卽皇帝位。謁高廟。侍御史嚴延年。字次卿。東海下邳人。劾奏大將軍光擅廢立。無人臣禮。不道。奏雖寢。然朝廷肅然敬憚之。

九月大赦天下。

丞相敞卒。

諡曰敬。

以蔡義

河內溫人爲丞相。封陽平侯。

先是。大將軍光與張安世謀廢立。議已定。遣田延年報敞。敞驚懼。不知所言。汗出洽背。徒唯唯而已。敞夫人司馬遷女也。遽從東廂與延年參語許諾。請奉大將軍教令。遂共廢昌邑王而立帝。義先以明經給事大將軍莫府。昭帝召見說詩。悅之。擢光祿大夫。及是。敞卒。義代爲丞相。時義年已八十餘。貌似老嫗。議者謂光置宰相。苟用可專制者。光曰。以爲人主師。當爲宰相。何謂云云。

冬十一月立皇后許氏。

公卿議立皇后。皆心擬霍將軍女。亦未有言。上乃詔求

霍光阻封廣漢已有無后之心論者歸罪妻顯邪謀

謬責光以不能大義滅親
真夢囈語耳

微時故劔。大臣知指。自立許僥仔爲皇后。霍光以后父
廣漢刑人。不宜君國。歲餘。乃封爲昌成君。

皇太后歸長樂宮。

長樂宮初置屯衛。

中宗孝宣皇帝

本名病已。後更名詢。武帝曾孫。戾太子孫也。以太子故。

事具前。初居民間。率常在下社。卧居數有光耀。每買餅所從買家輒大饗。亦以是自怪。霍光

既廢昌邑王。遂迎立之。

戊申本始元年春。大將軍光請歸政不受。

詔有司論定策安宗廟功。大將軍光等皆益封。光稽首
歸政。上謙讓不受。諸事皆先關白。光然後奏御。光自昭

政自人主之政苟不幸遇
冲齡大臣代攝長而自理
其政可也無請歸之體况
宣帝年已弱冠習民事宜
自理無二議光請歸政名

已不正讓而弗受豈非因
參爽之憚故為是假藉權
術乎幸至釀成武后之禍

帝以來。子禹及兄孫雲山。諸壻外孫。黨親連體。根據朝
廷。及是。權日益重。每朝見。上虛已歛容。禮下之已甚。時富
平侯張安世以下。益封者十人。封侯者五人。賜爵關內
侯者八人。大司農田延年。以首發大議。封陽城侯。已而
延年以昭帝之喪。詐增車直。盜取錢三千萬。為怨家
所告。當就獄。延年曰。我何面目復入牢獄。遂自刎死。

夏四月地震。

五月鳳凰集膠東。註見前。千乘。註見前。

赦天下。勿收田租賦。帝之世鳳凰集者凡八。是年以後
四年五月集北海。地節二年四月。

集魯。元康元年三月。集泰山。神爵二年正月。集京師。四
年十月。集杜陵。十二月。集上林。甘露三年二月。集新蔡。

皆大
赦。

追諡戾太子。戾夫人。悼考。悼后。置園邑。

詔曰。故皇太子在湖。未有號諡。歲時祠。其議諡。置園邑。

有司奏禮爲人後者爲之子也。故降其父母不得祭。傳祖之義也。陛下爲孝昭皇帝後。承祖宗之祀。親謚宜曰悼。母曰悼后。故皇太子謚曰戾。史良娣曰戾夫人。皆改葬焉。

召黃霸

字次公。陽夏人。

爲廷尉正。

初霍光旣誅上官桀。遂以刑法痛繩羣下。由是俗吏皆尙嚴酷。而河南丞黃霸獨用寬和爲名。上在民間時。知百姓苦吏急也。聞霸持法平。乃召以爲廷尉正。數斷疑獄。廷中尉師古曰。謂廷尉之中也。稱平。

西已

二年。夏。尊孝武皇帝廟爲世宗。所幸郡國皆立廟。

詔曰。孝武皇帝躬仁義厲威武。功德茂盛。而廟樂未稱。

朕甚悼焉。其與列侯二千石博士議。于是羣臣皆曰。宜如詔書。夏侯勝獨曰。武帝雖有攘四夷廣土境之功。然多殺士衆。竭民財力。無德澤于民。不宜爲立廟樂。公卿共難勝曰。此詔書也。勝曰。詔書不可用也。人臣之義。宜直言正論。非苟阿意順指。議已出口。雖死不悔。于是丞相御史劾奏勝非議詔書。毀先帝不道丞。相長史黃霸阿縱勝不舉劾。俱下獄。有司遂請尊武帝廟爲世宗廟。奏盛德文始五行之舞。巡狩所幸郡國皆立廟。勝霸既久繫霸欲從勝受尙書。勝辭以罪死。霸曰。朝聞道。夕死可矣。勝賢其言。遂授之。

秋遣將軍田廣明等將兵。及校尉常惠護烏孫兵。擊匈奴。初烏孫公主死。漢復以楚王戊之孫解憂爲公主。妻岑

耿种死以國與季父大祿子翁歸靡號肥王復尙楚

主生元貴靡公主及昆彌皆上書言匈奴復連發大兵

侵擊烏孫欲隔絕漢惟天子出兵救之乃大發兵遣廣

明等五將軍

出廣明爲祁連將軍趙充國爲蒲類將軍出順爲虛牙將軍及度遼將軍范明友前

將軍韓增

凡五將軍十六萬騎分道並出使常惠持節護烏孫兵

共擊匈奴明年夏五月匈奴聞漢兵大出犇遠遁軍遂

罷田順不至期廣明逗遛不進皆下吏自殺烏孫昆彌

自將五萬騎與常惠從西方入獲名王騎將以下四萬

級馬牛羊騂七十餘萬頭乃封惠爲長羅侯其冬單于

自將數萬騎擊烏孫會天大雨雪一日深丈餘人畜凍

死還者不能什一于是丁令乘弱攻其北烏桓入其東

烏孫擊其西。所殺數萬級。重以餓死。人民什三。畜產什五。諸國羈屬者皆瓦解。攻盜不能理。匈奴大虛弱。滋欲鄉和親。而邊境少事矣。

戊庚

三年春正月。大將軍光妻顯弒皇后許氏。

葬杜陵。

時霍光夫人顯欲貴其小女成君。道無從。會許后當娠病。顯使女醫淳于衍投毒藥去之。衍卽擣附子。齎入長定宮。皇后免身後。衍取附子。并合太醫大丸。以飲皇后。有頃曰。我頭岑岑也。藥中得無有毒。對曰。無有。遂加煩懣。崩。後有人上書告諸醫侍疾無狀者。皆收繫詔獄。顯恐急。卽具語光曰。旣失計爲之。無令吏急衍。光大驚。欲自發舉。不忍。奏上。光署衍勿論。顯因勸光內其女入宮。

夏六月丞相義卒。

諡曰節。

以韋賢

字長孺魯國鄒人。

為丞相。

封扶陽侯。魏

相

字弱侯潯陰定陶人。

為御史大夫。

以趙廣漢

字子都蠡吾人。

為京兆尹。

初廣漢為潁川

註見前。

太守其俗豪傑相朋黨廣漢為鉤

簞

音項同。鉤如瓶簞斷竹也。皆為小孔可入而不可出。

受吏民投書使相告許于

是姦黨散落及為京兆尤善鈞距

如鈞鈞之有距吞之則順吐之則逆使人

入其術中而不能出也。

以得事情閭里銖兩之姦皆知之其發奸

摘伏如神自漢興治京兆者莫能及然廣漢好用世吏

子孫新進年少者見事風生無所回避卒以此敗

先是廣漢

以私怨論殺男子榮畜人上書言之事下丞相御史按

驗會丞相有婢音絞死廣漢疑丞相夫人殺之欲因此脅丞相母令窮竟已事丞相按之愈急廣漢乃將吏卒入丞相府召其夫人跪庭下受辭收奴婢十餘人去丞

相上書自陳事下廷尉治。婢實以過譴出至竟。坐要斬。外第死不如廣漢言上惡之下廣漢廷尉獄事在元康元年丞相魏相也廣漢廉明威制豪強小民得職下獄時吏民守闕號泣者數萬人既死百姓追思

歌之

四年春三月立大將軍光女爲皇后。

初許后起微賤登至尊日淺從官車服甚節儉及霍后立輦駕侍從益盛賞賜官屬以千萬計與許后時大懸絕矣。

夏四月郡國四十九地震。

或山崩水出北海琅邪壞祖宗廟帝素服避殿詔問經學及舉賢良方正之士

以夏侯勝爲諫大夫黃霸爲揚州刺史。

上以地震釋勝霸而用之。勝為人質樸守正。簡易無威儀。或時謂上為君。誤相字于前。上亦以是親信之。嘗見出道上語。上聞而讓勝。勝曰。陛下所言善。臣故揚之。堯言布于天下。至今見誦。臣以為可傳。故傳耳。朝廷每有大議。上謂曰。先生建正言。無懲前事。後為長信少府。遷太子太傅。年九十卒。太后素服五日。以報師傳之恩。

壬子地節元年春。有星字于西方。

冬十二月癸亥晦。日食。

以于定國

字曼倩。東海郯人。

為廷尉。

定國為廷尉。乃迎師學春秋。備弟子禮。為人謙恭。雖卑賤皆與鈞禮。其決獄平法。務在哀矜。寡罪疑。惟輕加審。

孝婦固不可屈殺然我皇
三年則誰為之且三年早
亦甚矣屈殺孝婦之太守
小未即死而黎民饑餓死
者不知其凡幾矣山川有
靈必不為此是理本易知
而紀載者欲神其事遂不
覺其語之誣耳食者方以
為美談予故表而正之
霍光功德固未如周公成
王之賜伯禽之受論史者
且非之宣帝可謂昧於經
術矣

慎之心朝廷稱之曰張釋之為廷尉天下無冤民于定

國為廷尉民自以不冤

初定國父于公為縣獄史決獄平東海有孝婦少寡養姑甚謹

姑欲嫁之終不肯姑謂隣人曰婦無子守寡我老久累
丁壯奈何遂自經死姑女告婦殺母婦不能辯誣服于
公爭之不得婦論死東海旱三年後太守因公言致祭
立雨公治門閭謂曰可高大令容駟馬高蓋我治獄多
陰德子孫必有興者及是定國果貴顯

丑癸

二年春三月大司馬大將軍博陸侯霍光卒

諡曰宣成

光病車駕自臨問為之涕泣光上書謝恩願分國邑封

兄孫山為列侯即日拜光子禹為右將軍光卒賜葬具

如乘輿制度置園邑三百家

夏四月以張安世為大司馬車騎將軍領尚書事

魏相上封事曰聖王褒有德以懷萬方顯有功以勸百

寮是以朝廷尊榮。今新失大將軍。宜顯明功臣。以填藩國。毋空大位。以塞爭權。車騎將軍安世。忠信謹厚。國家重臣也。宜尊其位。上亦欲用之。安世深辭。不能得。乃拜大司馬車騎將軍。領尚書事。

以霍山為奉車都尉。領尚書事。御史大夫魏相給事中。

上思報大將軍德。乃封光兄孫山為樂平侯。使以奉車都尉領尚書事。魏相因許廣漢奏封事。言春秋譏世卿。

惡宋三世為

胡三省曰。當作無。

大夫。

公羊傳。宋三世無大夫。三世內娶也。註。內娶。大夫女。

也。禮。不臣妻之父母。宋以內娶。故言無大夫也。

及魯季孫之專權。皆危亂國家。

自後元以來。祿去王室。政由冢宰。今光死。子復為右將軍。兄子秉樞機。昆弟諸壻據權勢。在兵官。夫人顯及諸

魏相封事。自正論。不刊特因廣漢以進。則是門戶報復起見。當分別觀之。

女皆通籍長信宮。或夜詔門出入。驕奢放縱。恐寢不制。宜有以損奪其權。破散陰謀。以固萬世之基。全功臣之世。又故事。諸上言者。皆為二封。署其一曰副。領尚書者。先發副封。所言不善。屏去不奏。相復因許伯即廣白去副封。以防壅蔽。帝善之。詔相給事中。帝與于闐閭。知民事之難。自霍光卒後。始親政務。勵精為治。五日一聽事。自丞相以下。各奉職而進。樞機周密。品式備具。上下相安。莫有苟且之意。及拜刺史守相。輒親見問。觀其所繇。退而考察所行。有名實不相應。必知其所以然。常稱曰。庶民所以安其田里。而亡歎息愁恨之聲者。政平訟理也。與我共此者。其唯良二千石乎。以為太守吏民之本。數變易。則下不安。民知其將久。不可欺罔。乃服從其教化。故二千石有治理效。輒以璽書勉勵。增秩賜金。或爵至關內侯。公卿缺。則選用之。漢世良吏。于斯為盛。

甲寅 三年春三月。賜膠東相王成爵關內侯。

宜帝課吏可謂周詳然王
成首以偽增戶口賜爵則
知結核名實本不如王道
之易行也

詔曰膠東相王成勞來不怠流民自占八萬餘口治有
異等之效其賜成爵關內侯秩中二千石後詔問郡國
上計長史守丞以政令得失或對言前膠東相成偽自
增加以蒙顯賞是後俗吏多爲虛名云

夏四月立子奭爲皇太子

卽元帝共哀
許皇后生

霍顯聞立太子怒不食曰此乃民間時子安得立卽后
有子反爲王邪復教后毒太子數召賜食保阿輒先嘗
之后挾毒不得行

五月丞相賢致仕

賢以老病乞骸骨賜黃金安車駟馬罷就第丞相致仕
自賢始賢爲人質朴少欲篤志于學兼通禮尚書以詩
教授號稱鄒魯大儒年八十二卒諡曰節少子

元成復以明經歷仕。故鄒魯諺曰。遺子黃金滿籬。不如一經。

六月。以魏相為丞相。封高平侯。丙吉為御史大夫。

上方練羣臣核名實。而相總領衆職。與丙吉同心輔政。

上皆重之。

以疏廣

字仲翁。東海蘭陵人。

為太子太傅。廣兄子受。

字公

為少傅。

太子外祖父平恩侯許伯。以為太子少。白使其弟中郎

將舜監護太子家。上以問廣。廣對曰。太子國儲副君。師

友必于天下英俊。不宜獨親外家。且太子官屬已備。復

使舜護太子家。示陋。非所以廣太子德于天下也。上善

其言。以語魏相。相免冠謝曰。此非臣等所能及也。廣由

是見器重。

太子每朝。太傅在前。少傅在後。父子並為師傅。朝廷以為榮。

大雨雹。以蕭望之

字長倩。蘭陵人。爲謁者。

京師大雨雹。大行丞蕭望之上疏言。陛下思政求賢。堯舜之用心也。然而善祥未臻。陰陽不和。是大臣任政。一姓專權之所致也。附枝大者賊本心。私家盛者公室危。惟陛下躬萬幾。選同姓。舉賢才。以爲腹心。與參政謀。明陳其職。以考功能。則庶事理矣。上素聞望之名。拜爲謁者。時上博延賢俊。多上書言便宜。輒下望之問狀。高者請丞相御史。次者中二千石。試事滿歲。以狀聞。下者報聞。或罷歸田里。所白處奏皆可。

秋九月地震。

詔曰。乃者地震。朕甚懼焉。有能箴朕過失以匡不逮。毋

池。蓋。假。民。與。卿。但。乘。興。濟。人。不。大。徑。庭。遇。公。而。懼。何。如。懼。於。未。遇。之。前。然。較。之。

不知懼者為已善矣

諱有司。朕既不德，不能附遠，是以邊境屯戍未息。今復飭兵重屯，久勞百姓，非所以綏天下也。其罷車騎、右將軍屯兵池籞。禁苑也。未御幸者，假與貧民。郡國宮館勿復修治。流民還歸者，假公田，貸種食，且勿算事。謂不出算賦，不給徭役。

以張安世為衛將軍，諸軍皆屬。以霍禹為大司馬，罷其屯兵。

上頗聞霍氏毒殺許后而未察，乃徙光諸壻為他官。未央。

衛尉范明友為光祿勳，中郎將羽林監任勝為安定太守，長樂衛尉鄧廣漢為少府。收其印綬，更

以張安世為衛將軍，兩宮。未央。衛尉城門。十二門。北軍

入校。屬焉。以霍禹為大司馬。冠小冠，亡印綬，特使禹官名與光俱。大司馬者，罷

其屯兵官屬諸領胡越騎羽林及兩宮衛將屯兵悉易以所親信許史子弟代之

冬十二月置廷尉平

員四人。有左右。

初孝武使張湯趙禹之屬條定法令作見知故縱監臨

部主之法

或見或知而不舉告為故縱而緩深故之罪。所監臨部主亦有罪并連坐也。

時欲急刑吏深害及故入人罪者皆寬緩之。

急縱出之誅

吏釋罪人疑以為縱出則急誅之。

其後姦猾巧法轉相比

必利反。

况禁罔寔密律令煩苛文

書盈于几閣典者不能徧睹是以郡國承用者或罪同

而論異姦吏因緣為市所欲活則傳生議所欲陷則予

死比議者咸寃傷之上在閭閻知其若此會廷尉史路

溫舒

字長君鉅鹿東里人。

上書言之

畧曰夫獄者天下之大命也死者不可復生絕者不可復

屬書曰。與其殺不辜。寧失不經。今治獄吏則不然。上下相毆。以刻為明。深者獲。公名平者多。後患故治獄之吏。皆欲人死。非憎人也。自安之道。在人死。是以人血流離。刑徒比肩。大辟之計。歲以萬數。此仁聖之所傷也。夫人情安則樂生。痛則思死。極楚之下。何求而不得。故囚人不勝痛。則飾辭以示之。吏治者利其然。則指導以明之。上奏畏卻。則鍛鍊而周内之。蓋奏當之成。雖谷絲聽之。猶以為死有餘辜。何則。成練者衆。文致之罪明也。故俗語云。畫地為獄。議不入。刻木為吏。期不對。此皆疾吏之酷。悲痛之辭也。惟陛下省法制。寬刑罰。則太平之風可興。上善其言。詔以廷史任輕祿薄。置廷尉平。每季秋于世。請讞時。上幸宣室。齋居而決事。獄刑號為平矣。丞郡太守鄭昌

侍郎鄭吉

會稽人。

擊車師。破之。因田其地。

車師王與匈奴結婚。教匈奴遮漢。鄭吉將免刑罪人田

渠犂

註見前

發諸國兵及所將田士共擊車師破之車師

王請降吉等歸渠犂車師王恐匈奴兵復至奔烏孫匈奴更以王昆弟兜莫爲王收其餘民東徙吉使吏卒往田車師地以實之

乙卯

四年春二月賜外祖母號爲博平

今縣屬山東東昌府君

上初卽位數遣使求外家至是得王媼及其男無故武賞賜巨萬皆封列侯

無故平昌侯武樂昌侯

詔有大父母父母喪者勿繇

詔曰百姓遭凶而繇使不得葬傷孝子之心自今勿繇使得送終盡其子道是夏又詔自今子匿父母妻匿夫孫匿大父母者皆勿治

夏五月山陽

漢郡昌邑國改註見前

濟陰

漢郡治定陶註見前雨雹。

雹大如雞子深二尺五寸殺人飛鳥皆死。

秋七月霍氏謀反伏誅夷其族皇后霍氏廢。

霍顯及禹山雲自見日侵削數相對啼泣自怨山曰今丞相用事縣官信之盡變易大將軍時法令發揚大將軍過失又諸儒生多竄人子遠客饑寒喜妄說狂言不避忌諱大將軍常讐之今陛下好與儒生語人人自書封事多言我家者又聞民間讙言霍氏毒殺許后寧有是耶顯恐急即具以實告禹山雲驚曰縣官斥逐諸壻用是故也此大事誅罰不小奈何于是始有邪謀會雲舅李竟坐與諸侯王交通辭語及霍氏有詔雲山不宜

宿衛免就第

時山陽太守張敞上封事曰乃者大將軍決大計安宗廟海內之命斷于掌握方其

盛時感動天地使迫陰陽朝臣宜有明言曰輔臣顯政貴戚大盛君臣之分不明請罷霍氏三侯就第明詔以

恩不聽羣臣以義固爭而後許之天下必以陛下為不忘功德而朝臣為知禮霍氏世世無所患苦今朝廷不

聞直聲而令明詔自親其文非策之得者也今兩侯已出人情不相遠以臣心度之大司馬及其枝屬必有畏

懼之心夫近臣自危非完計也臣敞願于廣朝白發其端直守遠郡其路無由惟陛下省察上甚善其計然不

召也敞字子高河東平陽人禹山等謀令太后為博平君置酒召丞

相平恩侯以下使范明友鄧廣漢承太后制引斬之因

廢天子而立禹事覺七月雲山明友自殺禹要斬顯及

諸女昆弟皆棄市與霍氏相連坐誅滅者數十家皇后

霍氏廢處昭臺宮封告者皆為列侯帝初立謁見太廟

大將軍光驂乘上嚴憚之若有芒刺在背後張安世代

光驂乘上從容肆體甚安近焉故俗傳霍氏之禍萌于

驂乘後十二歲霍后復徙雲林館乃自殺初霍氏奢侈茂陵徐福上

疏言霍氏泰盛陛下即愛厚之宜以時抑制無使至亡書三上輒報聞至是人為徐生上書曰臣聞客有過主人者見其竈直突傍有積薪客謂主人更為曲突遠徙其薪不者且有火患主人不應俄而失火鄰里共救之幸而得息于是殺牛置酒謝其隣人灼爛者坐于上行而不錄言曲突者人謂主人曰鄉使聽客之言不費牛酒終無火患今論功而請賓曲突徙薪無恩澤焦頭爛額為上客邪今茂陵徐福數上書言霍氏且有變宜防絕之鄉使福說得行則國無裂土出爵之費臣無逆亂誅滅之敗往事既已而福獨不蒙其功惟陛下察之上乃賜福帛十匹以為郎

司馬氏光曰霍光之輔漢室可謂忠矣然而久顯大柄不知避去多置私黨充塞朝廷使人主蓄憤于上吏民積怨于下切齒側目待時而發其得免于身幸矣况子孫以驕侈趣之哉雖然向使孝宣專以祿秩賞賜富其子孫使之食大縣奉朝請亦足以報盛德矣乃復任之以政授之以兵及事叢疊積更加裁奪遂致怨懼以生

邪謀。豈徒霍氏之自禍哉。
亦孝宣醢醢以成之也。

九月以朱邑

字仲卿。廬江舒人。

爲大司農。

邑少爲桐鄉。

在今江南安慶府桐城縣北。春秋桐國地。

嗇夫廉平。不可愛。

利爲行。未嘗笞辱人。存問孤老。吏民愛敬之。遷北海。

治營陵。故城在今山東青州府昌樂縣。

太守以治行第一入爲大司農。惇

厚篤于故舊。公正不可交。以私身爲列卿。居處儉節。祿

賜以共族黨。家無餘財。及卒。天子下詔稱揚。賜其子金

百斤以奉祀。

邑病且死。屬其子曰。我故爲桐鄉吏。其民

桐鄉民及死。子從其言。桐鄉民

果爲起冢立祠。歲時祭祀不絕。

以龔遂爲水衡都尉。

先是勃海

漢郡。治浮陽。故城在今直隸天津府滄州。

歲饑。盜賊並起。上選能

治者。丞相御史舉龔。遂拜勃海太守。時遂年七十餘。召見。問何以治盜賊。對曰。海瀕遐遠。不霑聖化。其民困于饑寒。而吏不恤。故使陛下赤子盜弄陛下之兵于潢池中耳。今欲使臣勝之邪。將安之也。上曰。選用賢良。固欲安之也。遂曰。臣聞治亂繩。不可急也。唯緩之。然後可治。臣願丞相御史無拘臣以文法。得一切便宜從事。上許焉。加賜黃金。贈遣乘傳至勃海界。郡發兵以迎。皆遣還。移書敕屬縣。罷逐捕吏。諸持田器者。皆爲良民。吏毋得問。持兵者。乃爲賊。遂單車至府。盜賊聞。遂教令。卽時解散。棄其兵弩。而持鈎鉏。于是悉平。民安土樂業。遂乃開倉廩。假貧民。選用良吏。慰安牧養焉。齊俗奢。

賣劍賣刀必有售者則仍
郡民也使皆不售賣又何
為遂之勞來務本固屬循
吏子但惡吏之飾辭

倭好末技不田作遂躬率以儉約勸民務農桑各以口

率

令口種一樹榆百本雞五十
本葱一畦韭家二母雞五雞

民有帶持刀劍者使賣

劍買牛賣刀買犢曰何為帶牛佩犢勞來循行郡中皆

有畜積獄訟止息至是入為水衡都尉

丙辰

元康元年夏五月追尊悼考為皇考立寢廟

有司奏言悼園

史皇孫葬廣明郭北後改奉明
園置縣在今西安府長安縣北

宜稱尊

號曰皇考于是立廟

以尹翁歸

字子真音況
河東平陽人

為右扶風

治渭城
見前

翁歸為人公廉明察初為東海太守郡中吏民賢不肖

及姦邪罪名盡知之縣縣各有記籍口聽其政

不委令
長也

有急名則少緩之吏民少解

讀作
解

輒披籍

披有罪
者籍也取人

必于秋冬課吏大會中。及出行縣。于大會之中。及行縣時。則收取罪人以警

衆也。不以無事時。其有所取也。以一警百。吏民皆服。恐懼

改行自新。以治郡高第入爲右扶風。選用廉平。疾姦吏。

以爲右職。接待有禮。好惡與共之。其負翁歸。罰亦必行。

課嘗爲三輔最。然溫良謙退。不以行。能驕人。故尤得名。

譽于朝廷。翁歸之爲東海。過辭廷尉于定國。定國欲託

邑子。與翁歸語終日。不敢見。曰。此賢將。汝不

任事也。又不可干以私。後三年。翁歸病卒。家無餘財。詔

曰。翁歸廉平鄉正。治民異等。其賜翁歸子黃金百斤。以

奉祭祀。莎車治莎車城。去長安九千九百五十里。叛。衛候馮奉世。字子明。上黨潞人。矯發諸

國兵。擊破之。時漢數出使西域。多辱命不稱。于是上選可使外國者。

前將軍韓增

韓王信之後。封龍領侯。

舉奉世以衛侯。使持節送諸

國客至伊循城。

註見前。

會故莎車王弟呼屠徵與旁國共

殺其王萬年。及漢使者自立爲王。

初烏孫公主少子萬年。有寵于莎車王。莎

車王死而無子。時萬年在漢。莎車國人計欲自託于漢

又欲得烏孫心。上書請萬年爲莎車王。漢許之。遣使者

送萬年。萬年初立。暴惡。國人

不說。至是殺之。揚言北道諸國已屬匈奴。于是

攻劫南道。歆盟叛漢。從鄯善以西。皆絕不通。奉世計以

爲不亟擊之。則莎車日彊。其勢難制。必危西域。遂以節

諭告諸國。發其兵。進擊莎車。攻拔其城。莎車王自殺。傳

首長安。更立他昆弟子爲莎車王。諸國悉平。威振西域。

奉世遂西至大宛。大宛聞其斬莎車王。敬之異于他使。得其名馬象龍而還。上甚說。議封奉世丞相將軍。皆以

爲可獨。蕭望之以奉世奉使有旨。而擅矯制違命。雖有

功勞。不可以爲後法。卽封奉世。開後奉使者利要功。萬

里之外。爲國家生事。漸不可長。乃以爲光祿大夫。

丁巳二年春二月立婕妤王氏爲皇后。

上欲立皇后。懲艾霍氏欲害皇太子。乃更選後宮無子

而謹慎者立長陵王婕妤爲皇后。令母養太子。封其父

奉光爲叩成侯。

奉光之先高祖時有功賜爵關內侯。自沛徙長陵奉光嗣爵好鬪雞。帝在民間。

數與會及卽位納其女後宮遂立爲后。

夏五月詔二千石察官屬治獄。

詔曰。獄者萬民之命。能使生者不怨。死者不恨。則可謂

文吏矣。今則不然。用法或持巧心。析律貳端。淺深不平。

增辭飾非。以成其罪。奏不如實。上亡由知。二千石各察

官屬。勿用此人。吏或擅興徭役。飾厨傳。

韋昭曰厨謂飲食傳謂傳舍。

稱過使客。

稱使客之意。而令過去也。

越職踰法。以取名譽。譬猶踐薄

冰以待白日。豈不殆哉。今天下頗被疾疫之災。其令被

災甚者。毋出今年租賦。

匈奴擾車師田者。詔鄭吉還屯渠犂。

匈奴大臣皆以爲車師地肥美。使漢得之。多田積穀。必

害人國。不可不爭。數遣兵擊車師田者。鄭吉將渠犂田

卒救之。爲匈奴所圍。吉上言。願益田卒。上與趙充國等

議。欲因匈奴衰弱。擊其右地。使不敢復擾西域。上因魏

相諫。

相曰。臣聞救亂誅暴。謂之義兵。兵義者王。敵加于己而起者。謂之應兵。兵應者勝。爭恨小故。不忍憤

怒者。謂之忿兵。兵忿者敗。利人土地貨寶者。謂之貪兵。

兵貪者破。待國家之大。矜民人之衆。欲見威于敵者。謂之驕兵。兵驕者滅。此五者。非但人事。乃天道也。間者匈奴皆有善意。所得漢民。輒奉歸之。未有犯于邊境。雖爭

屯田車師不足致意中。今聞諸將軍欲興兵入其地。臣愚不知此兵何名者也。今邊郡困乏。難以動兵。軍旅之後。必有凶年。言民以其愁苦之氣。傷陰陽之和也。出兵雖勝。猶有後憂。今守地多不實。選風俗尤薄。水旱不時。按今年計。子弟殺父兄。妻殺夫者。凡二百二十二人。此非小變也。今左右不憂此。乃欲報纖介之忿于遠夷。殆孔子所謂吾恐季孫之憂。不乃遣常惠將騎往車師。迎在顓臾。而在蕭牆之內也。

鄭吉吏士還渠犂。遂以車師故地與匈奴。

以蕭望之爲左馮翊。

治高陵。注見前。

初。上選博士諫官通政事者。補郡國守相。望之以諫大

夫出爲平原太守。

望之遠爲郡守。內不自得。上疏曰。陛下哀愍百姓。出諫官以補郡吏。然朝

無諍臣。則不知過。所謂憂其末而忘其本者也。已而徵入守少府。帝察望之經

明持重。論議有餘。材任宰相。欲詳試其政事。至是復以

爲左馮翊。

望之從少府出。爲左遷。卽移病。上使侍中諭意曰。所用皆更治民以考功。君前爲平原太

守日淺故復試之子三輔非有所聞也望之即起視事

戊午三年春三月封故昌邑王賀為海昏侯

漢縣故城在今江西南康府建昌縣

上心忌故昌邑王賀賜山陽太守張敞璽書令謹備盜賊察往來過客毋下所賜書敞于是條奏賀居處衣服言語跪起清狂不惠以著其廢亡之效上乃知賀不足忌封為海昏侯

封丙吉等為列侯

丙吉為人深厚不伐善自曾孫遭遇絕口不道前恩會掖庭宮婢自陳嘗有阿保之功辭引使者丙吉知狀上親見問然後知吉有舊恩而終不言大賢之初張賀嘗

宣帝亟亟修恩報德乃至
郡邸獄復作皆受官祿田
宅細人感其私君子譏其
鄙非君道也

為弟安世稱皇曰孫之材美及微怪安世輒絕止以為

少主在上不宜稱述曾孫及帝即位而賀已死上謂安

世曰掖庭令平生稱我將軍止之是也乃下詔曰朕微

眇時丙吉御史大夫曾史元俱中郎將許延壽長樂衛尉許延壽侍中

夫皆與朕有舊恩及故掖庭令張賀輔導朕躬修文學

經術恩惠卓異厥功茂焉詩不云乎無德不報封賀子

彭祖陽都侯賀子蚤死彭祖安世小男也少與上同席研書及吉博陽侯曾將陵侯元

平臺侯舜博望侯延壽樂成侯皆為列侯賜賀諡曰陽都哀侯

賀孤孫霸年七歲賜爵關內侯故人下至郡邸獄復作故

舊以下至于在郡邸獄中復役工作之人皆受官祿田宅財物各以恩深淺

報之吉臨當封病上憂其不起夏侯勝曰有陰德者必饗其樂今吉未獲報非死疾也果瘡安世自以父

子封侯在位太盛乃辭祿詔都內別藏張氏無名錢以百萬數文穎曰都內主藏官也

夏六月立子欽張僊為淮陽王

欽好經書法律聰達有材帝甚愛之

疏廣疏受請老賜金遣歸

皇太子年十二通論語孝經廣謂受曰吾聞知足不辱

知止不殆今宦成名立如此不去懼有後悔即日俱移

病上疏乞骸骨上皆許之加賜黃金二十斤太子贈以

帳東都門外送者車數百兩道路觀者皆曰賢哉二大

夫或歎息為之下泣廣受歸鄉里日令其家賣金共具

諸族人故舊賓客與相娛樂或勸以為子孫立產業者

廣曰吾豈老詩不念子孫哉顧自有舊田廬余子孫勤

二疏請老用以風世之戀棧不已者則可然彼或強知孝元庸懦不堪輔導耳以見幾遠禍亦不過工於自計耳且五年纔通論語孝經安得遂謂之悲職而忽然求去帝及太子何各賜如許之金今以其斤兩計之已逾千兩千金之易致太子又安得有五十斤之金以賜未成業之師傳哉班史欲艷傳其事不覺措詞過當未可盡信也

而冬財則損其志也而多財則益其過日大富者眾之

者聖王所以悲教也故樂廣鄉黨宗族共饗其賜

以盡吾餘日。不亦可乎。于是族人悅服。

以潁川太守黃霸守京兆尹。尋罷歸故官。

霸爲潁川太守。使郵亭鄉官皆畜雞豚。以贍鰥寡貧窮

者。爲條教。行之民間。勸以爲善。防姦。及務耕桑。節用殖

財。種樹畜養。初若煩碎。然精力能推行之。吏民見者。語

次尋繹。問他陰伏。

因語話之次。按尋紬繹。雖其陰伏之事。亦問而知之。

以相參

考。聰明識事。吏民不敢有所欺。姦人去。入他郡。盜賊日

少。霸力行教化。而後誅罰。務在成就安全。

許丞老病。龔督郵白欲逐

之。霸曰。許丞廉吏。雖老。尚能拜起。送迎。正頗重聽。何傷且善助之。無失賢者意。或問其故。曰。數易長吏。送故迎新之費。及好吏因緣。絕簿書盜財物。公私耗費甚多。皆當出于民。所易新吏。又未必賢。或不如其故。徒相益爲亂。凡治道去。以外寬內明。得吏民心。戶口歲增。治爲天其泰甚者耳。

下第一。徵守京兆尹。尋坐法貶秩。詔復歸潁川為太守。以八百石居官。

已未四年秋八月。求高帝功臣子孫失侯者。賜金復其家。

得槐里。

即犬邱。註見前。

公乘。

第八爵。

周廣漢。

勃曾孫。

等百三十六人。

賜功臣子孫固獎勵善政。然酌給金復其家使奉祀。足矣。百三十六人各與以黃金二十斤。當值白金四十餘萬。孝宣去武帝財賂衰耗時不遠矣。得如許帑藏為揮霍之資乎。足徵其妄。

皆賜黃金二十斤。復其家。令奉祭祀。世世勿絕。是年。詔年八十以上。非誣告殺傷人。它皆勿坐。又遣大中大夫彊等十二人。循行天下。存問鰥寡。覽觀風俗。察吏治得失。舉茂才異倫之士。

大司馬衛將軍富平侯張安世卒。

諡曰敬。

安世隱名迹。遠權勢。蓋上懼武帝之英明。下懲霍氏之禍。諱慎自全。猶庶幾。

安世謹慎周密。每定大政。已決。輒移病出。聞有詔。令乃驚。使吏之丞相府問焉。自朝廷大臣莫知其與議也。嘗

記之所云大臣法者秦觀
薄之為具臣論過刻矣

有所薦其人來謝。安世大恨。以為舉賢達能。豈有私謝
邪。絕弗復為通。有郎功高不調。自言。安世曰。君之功高。
明主所知。人臣執事。何短長而自言乎。絕不許。已而郎
果遷。其欲匿名迹。遠權勢如此。

遣光祿大夫義渠安國。義渠。西羌戎名。後因為氏。行邊兵。

初。武帝開河西四郡。註見前。隔絕羌與匈奴相通之路。斥

逐諸羌。不使居湟中。湟水出甘肅西寧塞外。東流合浩亶水。至蘭州入黃河。及帝

即位。義渠安國使行諸羌。先零。註見前。豪言。願時度湟水

北。逐民所不田處畜牧。安國以聞。趙充國劾安國奉使

不敬。是後羌人。音傍。傍依也。緣前言抵冒。犯突而前也。渡湟水。郡

縣不能禁。既而先零與諸羌種豪解仇交質。羌人無大君長。諸種

豪遞相殺伐故每有仇讐往來相報今上聞之以問充

解仇交質自相親結欲入漢為寇也

國對曰羌人所以易制者以其種自有豪數相攻擊勢

不壹也往西羌反時亦先解仇合約匈奴數誘之與共

擊張掖酒泉地間者匈奴困于西方謂本始二年為烏孫所破疑其

更遣使至羌中與相結臣恐羌變未止宜為之備後月

餘羌侯狼何小月氏種果遣使至匈奴藉借也兵欲擊鄯善

敦煌以絕漢道充國以為狼何勢不能獨造此計疑匈

奴使已至羌中到秋馬肥變必起矣宜遣使者行邊兵

勅視諸羌毋令解仇以發覺其謀于是兩府復白遣安

國

庚申神爵元年應劭曰前年神爵春遣諫大夫王褒字子淵蜀人

集長樂宮故改元

求金馬碧雞之神。

如淳曰金形似馬碧形似雞。府城東有金馬山其西南為碧雞山兩

今雲南

山皆有神祠。漢使王褒祭此。考今雲南府漢為益州郡。今四川省漢為益州郡。舊注金馬碧雞者皆以為在成都。蓋誤以益州郡部為益州郡也。

時帝始行幸甘泉郊泰畤幸河東祠后土頗修武帝故

事以方士言增置神祠聞益州有金馬碧雞之神可醮

祭而致乃使褒持節求之初帝以褒有俊才

益州刺史王褒使褒

作中和樂職宣布詩上聞

召見使作聖主得賢臣頌

其

襄因奏褒有軼才乃徵褒日聖主必待賢臣而弘功業俊士必俟明主而顯其德上下俱欲懽然交忻翼乎如鴻毛遇順風沛乎若巨魚縱大壑休徵自至壽考無疆何必偃仰屈伸若彭祖响噓呼吸如喬松眇然絕俗離世哉是時帝頗好神仙故褒對及之

褒于道病死

後京兆尹張敞勸上斥遠

方士由是悉罷上方待詔

御批歷代通鑑輯覽 卷之十七
諫大夫王吉謝病歸。

帝頗修飾宮室車服。外戚許史王氏貴寵。吉上疏曰。臣聞宣德流化。必自近始。左右不正。難以化遠。故宜謹選左右。審擇所使。左右所以正身。所使所以宣德。此其本也。古者衣服車馬。貴賤有章。今上下僭差。是以貪財趨利。不畏死亡。舜湯不用三公九卿之世。李奇曰。不繼而世而爵也。而

舉臯陶伊尹。今俗吏得任子弟。率多驕驚。無益于民。宜明選求賢。除任子之令。外家及故人。可厚以財。不宜居位。去角抵。減樂府。省尚方。明示天下以儉。上以其言爲迂闊。吉遂謝病歸。

先零羌楊玉叛。夏四月。遣後將軍趙充國將兵擊之。

義渠安國至羌中。召先零諸豪尤桀黠者斬之。縱兵擊斬千餘級。于是歸義羌侯楊玉等怨怒背叛。安國失亡車重兵器甚衆。引還以聞。時充國年七十餘。上老之。使丙吉問誰可將。對曰。無踰老臣者矣。上問度當用幾人。對曰。兵難踰。音遙。度願馳至金城。註見前。圖上方畧。羌戎小夷願陛下以屬老臣。勿以爲憂。上笑曰諾。乃發兵遣充國將之以擊西羌。

六月有星孛于東方。

秋七月。趙充國擊叛羌。羌多降。詔復遣將軍辛武賢

周太史甲

封于辛。其後以邑爲氏。擊之。尋詔罷兵。留充國屯田湟中。

武賢。狄道人。後徙昌陵。充國至金城。須兵滿萬騎。欲渡河。恐爲虜所遮。卽夜遣

充國緩于進擊。或時差無大畧。招撫罕升則其勢

已孤可不煩兵而定使羌
本桀黠勁敵有大志而乃
自托持重不擊則適足為
養癰之患罕并等且從之
不暇又何能為充國用邪
兵貴知時非可執一論也
至其屯田十二事則誠古
今不易良策

後漢書卷之十一

卷之十一

三

三校銜枚先渡。波輒營陳。會明畢。遂以次盡渡。虜數百

騎來出入軍傍。充國曰。擊虜以殄滅為期。小利不足貪。

令軍勿擊。而遣騎候四望。陜中。文穎曰。金城有三陜。師古曰。山峭而夾水曰陜。

四望。陜無虜。乃引兵道。召諸校謂曰。吾知羌虜不能為名也。兵矣。使彼發數千人。守杜四望。

陜中。兵至。至西部都尉府。日饗軍士。士皆樂為用。虜數

得入哉。挑戰充國堅守。初。罕并。音罕。罕。註見前。豪靡當兒使弟雕庫來

告都尉曰。先零欲反。後數日果反。都尉遂留雕庫。充國

以為無罪。乃遣歸。告諭種豪。欲以威信招降罕并及劫

畧者。解散虜謀。徼其疲劇。乃擊之。時內郡兵屯邊者。合

六萬人。酒泉太守辛武賢請以七月分兵出擊罕并。充

國以為先零首為叛逆。他種劫畧。故欲捐罕并闇昧之

過先行先零之誅。以震動之。肯悔過反善。因赦其罪。選

擇良吏。撫循和輯。此全師保勝之道。天子下其書。議者

咸以先零兵盛。而負罕开之助。不先破罕开。先零未可

圖也。上乃并許延壽廣漢弟。為彊弩將軍。武賢為破羌將

軍。以書勅讓充國。充國上書陳利害。畧言先零為寇。罕

罪誅無辜。起一難。就兩害。誠非計也。且先零欲叛。故與

罕开解仇。嘗欲赴罕开之急。以堅其約。今先擊罕开。先

零必助之。交堅黨合。迫脅諸小種。虜兵寢多。誅之用力

數倍于臣之計。先誅先零。則罕开之屬不煩兵而服矣。

璽書報從充國計。充國乃引兵至先零在所。虜久屯聚

解弛。望見大軍。皆駭走。欲渡湟水道。阨隘。充國徐行驅

寇。不可迫也。緩之則走不顧。或曰逐利行速。充國曰。此窮

急之則還致死。軍校皆曰善。斬獲甚衆。遂至罕地。令軍

毋燔聚落。芻牧田中。罕羌喜曰。漢果不擊我矣。豪靡忘

來自歸。罕竟不煩兵而下。其秋，充國病，詔以破羌將軍
爲副，以十二月進擊先零。時羌降者萬餘人矣。充國欲
罷騎兵，屯田以待其敝。作奏未上，會得進兵璽書。其子
卬以中郎將使客諫。充國曰：「今兵久不決，四夷卒有動
搖，相因而起，雖有智者，不能善其後。羌獨足憂耶？吾固
以死守之，明主可爲忠言。」遂上屯田奏。

客曰：臣所將吏士馬牛食所用

糧穀芟藁，調度甚廣，難久不解。繇役不息，恐生他變。爲明主憂，且羌易以計破，難用兵碎也。故臣愚心以爲擊之不便。計度臨羌東至浩亶，羌虜故田及公田，民所未墾，可二千頃以上。其間郵亭多敗壞者，臣願罷騎兵，留步兵萬二千，八十一人，分屯要害處，繕鄉亭，浚溝渠，治湟隄，以西道橋，令可至鮮水左右。田事出賦，人三十畝。四月草生，發郡騎及屬國胡騎各千，就草爲田，遊兵以充入金城，益積畜，省大費。謹上田處及器用簿，唯陛下裁擇。
臨羌漢縣，故城在今甘肅西寧府西寧縣。浩亶水，出甘州府西番界，流逕平番縣，入湟水。今日閭門。

河鮮水卽青海。在西寧。上報曰。卽如將軍之計。虜當何

時伏誅。兵當何時得決。孰計其便。復奏。充國上狀。畧曰。

帝王之兵。以全取勝。是以貴謀而賤戰。蠻夷習俗。雖殊。然其欲避害就利。愛親戚。畏死亡。一也。今虜亡其美地。薦草。愁于寄託。遠遁。骨肉離心。人有畔志。而明主班師。罷兵。萬人留田。順天時。因地利。以待可勝之虜。雖未卽伏辜。兵決可期。月而望。臣謹條不出兵留田。便宜十二事。步兵力校。吏士萬人。因田致穀。威德並行。一也。排折羌虜。令不得居肥饒之地。貧破其衆。二也。居民得並田作。不失農業。三也。軍馬一月之費。度支田士一歲。罷騎兵。以省大費。四也。至春。省甲士卒。循河湟。漕穀至臨羌。眊羌威武。五也。以閒暇時。繕治郵亭。充入金城。六也。令反虜竄于風寒之地。離霜露。疾疫瘡墮之患。坐得必勝之道。七也。亡經阻遠。追死傷之害。八也。內不損威武之重。外不令虜得乘間之勢。九也。又亡驚動河南大。開小。開。使生他變。十也。治湟陁中道橋。令可至鮮水。以制西域。信威千里。從枕席上過。師。十一也。大費既省。繇役豫息。以戒不虞。十二也。留屯田得十二便。出兵失十二利。唯明詔採擇。上復賜報曰。兵決可期。月而望者。謂今冬邪。謂

何時也將軍獨不計虜聞兵頗罷且丁壯相聚攻擾田者殺畧人民將何以止之將軍執計復奏于是充國又奏畧曰臣聞兵以計爲本故多算勝少算先零羌精兵不過七八千人失地遠客分散饑凍臣愚以爲虜破壞可日月冀故曰兵決可期月而望今騎兵雖罷見留克田之士萬人從今盡三月虜馬羸瘦必不敢捐其妻子于他種中遠涉河山而來爲寇亦不敢將其累重還歸故地臣之愚計所以度虜必且瓦解其處不戰而自破之策也至于虜小寇盜時殺人民其原未可卒禁臣竊自惟念奉詔出塞引軍遠擊窮天子之精兵散車甲于山野雖無尺寸之功媮得避嫌之便而後充國奏咎餘責此人臣不忠之利非明主社稷之福也每上輒下公卿議初是充國計者什三中什五最後什八詔責前言不便者皆頓首服魏相曰臣愚不習兵事利害後將軍數畫軍策其言常是臣任其計可必用也上于是報充國嘉納之亦以武賢延壽數言當擊于是

兩從其計。詔兩將軍中郎將卬出擊。降斬各數千人。而

充國所降復五千餘人。詔罷兵。獨留充國屯田。明年夏

五月。充國奏言。羌本可五萬人。凡斬降及溺河湟。餓死

者。遺脫不過四千人。羌靡忘等自詭必得。顏師古曰。詭

貴。必能得之。請罷屯兵。奏可。充國振旅而還。所善浩星賜迎

破羌彊弩出擊。虜以破壞。然有識者以爲虜執窮困。兵

雖不出。必自服矣。將軍卽見。宜歸功兩將軍。如此計未

失也。充國曰。兵執國之大事。當爲後法。老臣不以餘命

壹爲陛下明言利害。卒死。誰當復言之者。卒以其意對

上然。詔遣辛武賢歸酒泉。充國復爲後將軍。是秋羌先

零等斬楊玉首。帥四千餘人降。初置金城屬國。以處降

羌。辛武賢深恨充國。上書告中郎將卬泄省中語。下吏

自殺。充國亡骸骨。賜安車駟馬罷就第。朝廷有大議

常與參籌策。甘露

二年卒。諡曰壯。

以張敞為京兆尹。

初。敞為山陽太守。會膠東盜賊起。敞自請治之。拜膠東相。明設購賞。開羣盜。令相捕。斬除罪。吏追捕有功。上名。

尚書。調補縣令者數十人。由是盜賊解散。王太后

膠東頃王

音之數出游獵。敞上書諫。太后乃不復出。時京兆自趙

廣漢後。更黃霸等數人。不稱職。上乃以敞尹京兆。敞求

得偷盜。酋長數人。令致諸偷。以自贖。一日得數百人。窮

治行法。由是市無偷盜。敞賞罰分明。而以經術自輔。不

純用誅罰。由是能自全。時西羌兵起。敞請令有罪者。入

入穀贖罪。是貧富異刑。而法不一也。敞議遂寢。

辛酉二年秋九月。司隸校尉武帝征和四年置。以蓋寬饒蓋

蓋反齊大夫陳戴食邑于蓋後自到北闕下
以為氏寬饒字次公魏郡人

寬饒剛直公清刺舉無所避然刻深與貴戚人為怨又好言事刺譏奸犯上意時帝方用刑法任中書宦官寬饒奏封事曰方今聖道寢微儒術不行以刑餘為周召以法律為詩書又引韓氏易傳言五帝官天下三王家天下家以傳子孫官以傳賢聖書奏帝以為怨謗下其書執金吾本中尉武帝太初元年更名議以寬饒意欲求禪大逆不道諫大夫鄭昌字次卿泰山剛人上書訟之曰寬饒進有憂國之心退有死節之義上無許史之屬下無金張之託應劭日許廣漢宣帝皇后父史高宣帝外家金日磾張直張安世言許史有外屬之恩金張自託在于狎近也直道而行多仇少與上書陳事有司劾以大辟臣官以諫

爲名不敢不言。帝竟下寬饒吏。寬饒引佩刀自剄北闕下。衆莫不憐之。先是太子庶子王生予書寬饒曰自古太古久遠之事。臣拂天子數進不用難聽之語。以摩切左右。非所以揚令名。全壽命也。夫君子直而不撓。曲而不詘。大雅云。既明且哲。以保其身。唯裁省覽。寬饒不聽。

以鄭吉爲西域都護。

匈奴曰逐王

匈奴屬王號居西邊領西域諸國。

率其衆降漢。

匈奴虛閭權渠單于

始立。黜壺衍鞬單于所幸顯渠闕氏。闕氏卽與右賢王屠耆堂私通。虛閭權渠死。闕氏立。右賢王爲握衍胸鞬單于。虛閭權渠子稽侯旃不得立。亡歸妻父烏禪幕。日逐王先賢揮素與握衍胸鞬有隙。卽率衆降漢。至渠犁。與鄭吉相聞。吉發諸國五萬人迎日逐王詣京師。上封曰逐王爲歸德侯。吉旣破車師。事見前。降日逐。威振西域。遂拜護車師以西北道。故號都護。都護之置。自吉

始上封吉為安遠侯吉于是中西域而立莫府治烏壘

城去陽關二千七百三十八里其南三百三十里至渠犂督察康居烏孫等三十

六國漢之號令班西域矣

王
三年春三月丞相高平侯魏相卒諡曰憲

相明易經有師法數表採易陰陽及明堂月令上之以為

陰陽者王事之本羣生之命自古聖賢未有不繇者也願選明經通知陰陽者四人各主一時時至明言所職

以和陰陽好觀漢故事及便宜章奏數條漢興以來國

家行事及賢臣賈誼董仲舒等所言奏請施行之敕掾吏案

事郡國及休告從家還至府輒白四方異聞或有逆賊風雨災變郡不上相輒奏言之視事九歲

卒

夏四月以丙吉為丞相先已封博陽侯

丙吉知大體數事蓋緣史臣文飾過情轉失其實夫掾吏有罪不案何以用人道逢羣鬪不知何以禁暴至春令驟暖尤人所共曉乃至見牛喘而始問且曰其行幾里則直以不識寒暑之人高言變理矣豈足一噓

吉尚寬大好禮讓掾吏有罪輒與長休告務掩過揚善終無所案曰以公府而有案吏之名吾竊陋焉嘗出逢羣鬪死傷不問逢牛喘使問逐牛行幾里矣或譏吉失問吉曰民鬪京兆所當禁宰相不親小事非所當問也方春未熱恐牛近行用暑故喘此時氣失節三公調陰陽職當憂時人以爲知大體

秋八月益小吏俸

詔曰吏不廉平則治道衰今小吏皆勤事而俸祿薄欲無侵漁百姓難矣其益吏百石以下俸十五

斗

以韓延壽

字長公。燕徙杜陵人。

爲左馮翊。

初延壽爲潁川太守承趙廣漢令民告訐之後俗多怨

讐延壽教以禮讓

召郡中長老爲陳和睦親愛銷除怨

禮不得過法百姓遵用其教

已而遷東郡黃霸代之因其迹而大治

延壽爲吏好古教化所至聘其賢士以禮待用表孝弟

有行修治學宮

春秋鄉射陳鐘鼓管絃盛升降揖讓

接待下吏恩施厚而

誓約明在東郡三歲令行禁止斷獄大減由是入爲馮

翊

蕭望之爲御史大夫故以延壽代

行縣至高陵民有兄弟訟田延壽

大傷之曰幸得備位爲郡表率不能宣明教化至令民

有骨肉爭訟咎在馮翊因閉閤思過于是訟者宗族傳

相責讓兄弟深自悔願以田相移終死不敢復爭郡中

翕然傳相勅厲恩信周徧二十四縣無復以辭訟自言

EAST ASIAN LIBRARY
UNIVERSITY OF TORONTO LIBRARY

後漢書卷之十一

三

者推其至誠吏民不忍欺給或告蕭望之延壽在東郡放散官錢千餘萬會御史

當問事東郡望之因命并問之延壽聞即部吏案校望之為馮翊時廩犧官錢放散百餘萬移殿門禁止望之

望之奏為延壽拘持上不直延壽各令窮竟所考望之卒無事實而延壽以試騎士日車服侍衛奢僭逾制竟

坐狡猾不道棄市吏民數千人送至渭城莫不流涕事在五鳳元年

癸亥

四年夏四月賜潁川太守黃霸爵關內侯

霸在郡前後八年政事愈治是時鳳凰神爵數集郡國

潁川尤多詔賜爵關內侯詔曰潁川太守霸宣布詔令百姓鄉化孝子悌弟貞婦順

孫日以衆多田者讓畔道不拾遺養視鰥寡瞻助貧窮獄至八年無重罪囚吏民向于教化與于行誼可謂賢

人君子其賜爵關內侯黃金百斤後數月徵霸為太子太傅

冬十一月河南太守嚴延年棄市

延年陰鷙酷烈冬月傳屬縣囚會論府上流血數里河

黃霸治郡自愧循吏至為相而功名頓損則趙魏之老滕薛大夫之謂也若嚴延年因其以鳳凰受賞心內不服及相府神雀來集欲奏復止或出附會之語然宣帝好祥瑞之失亦足見一斑

南號曰屠伯。延年素輕黃霸。及比郡為守。見其以鳳凰
褒賞。心內不服。郡界有蝗。府丞義人名出行蝗還。見延

年。延年曰。此蝗豈鳳凰食邪。義年老素畏延年。恐中傷。

乃上書言延年罪。因自殺以明不欺。事下按驗。得怨望。

誹謗數事。坐不道棄市。初延年母從東海來。到洛陽。過見報囚。母大驚。便止都亭。不肯

入府。責延年曰。幸得備郡守。專治千里。不聞仁愛教化。有以安全愚民。顧多刑殺人。欲以立威。豈為民父母意哉。天道神明。人不可獨殺。我不意當老。見壯子被戮也。

行矣。去汝東歸。掃除墓地耳。遂去。歲餘果敗。東海莫不

賢智其母。

甲子五鳳應劭曰。鳳凰五至。因以改元。元年。秋。匈奴亂。五單于爭立。

匈奴握衍胸鞬單于暴虐。烏禪幕及左地貴人共立稽
侯狝為呼韓邪單于。發兵西擊握衍胸鞬。握衍胸鞬敗。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽

卷之十七

三

走自殺。其弟右賢王立。日逐王薄胥堂為屠耆單于。于是呼揭王自立為呼揭單于。右奧鞬王自立為車犁單于。烏藉都尉亦自立為烏藉單于。凡五單于。時議者多曰。匈奴為害日久。可因其壞亂。舉兵滅之。蕭望之曰。前單于慕化嚮善。請求和親。不幸為賊臣所殺。今伐之。是乘亂幸災也。宜遣使弔問。輔其微弱。救其災患。如復其位。必稱臣服從。此德之盛也。上從其議。

冬十二月乙酉朔日食

丙寅三年春正月丞相博陽侯丙吉卒。諡曰定。

吉病。上臨問。誰可以自代者。吉薦杜延年。于定國。陳萬

年。字幼公。沛郡相人。時為太僕。遂卒。後三人居位皆稱職。上稱吉為

知人

二月以黃霸為丞相。封建侯

霸材長于治民為丞相功名損于治郡京兆尹舍鵲

顏師古曰鵲音甘或作鴝鵒雀大而色青出羌中飛集丞相府霸以為神雀議

欲以聞後知從張敞舍來乃止史高以外屬貴重霸薦

高可太尉帝使尚書召問霸太尉官罷久矣。孝武建元元年太尉

田蚡免官省故云罷久將相之官朕之任焉高帷幄近臣朕所自

親君何越職而舉之霸免冠謝罪

丁卯四年春正月廣陵王胥以罪自殺

胥使女巫祝詛上求為天子事覺殺女巫以滅口公卿

請誅胥胥遂自殺。胥立凡六十

四年國除

糴三輔近郡穀供京師。初置常平倉。

自元康以來。比年豐稔。穀石五錢。大司農中丞耿壽昌奏言。歲豐穀賤。農人少利。故事。歲漕關東穀四百萬斛。用卒六萬人。宜糴三輔弘農河東上黨太原郡穀供京師。可省漕卒過半。又白令邊郡皆築倉。穀賤增其價而糴。以利農。穀貴時減價而糴。名曰常平倉。民便之。詔賜壽昌爵關內侯。

夏四月辛丑朔日食。

殺故平通侯楊惲。

丞相敞子。以先發霍禹謀反封侯。

惲輕財好義。廉潔無私。然後其行能。好發人隱。侯由是多怨于朝廷。與大僕戴長樂相失。長樂上書告惲安引。

亡國。誹謗當世。

惲言秦時但任小臣。誅殺忠良。竟以滅亡。令親任大臣。卽至今耳。古與今如一。

耳之。

無人臣禮。又以主上爲戲。語尤悖逆。

惲又言正月以來。天陰不

雨。此夏侯君所言。

上不忍加誅。免爲庶人。

事在惲既失

位。家居以財自娛。其友人孫會宗。

安定太守。西河人。

與書爲言。

大臣廢退。當闔門惶懼。不當治產業。通賓客。有稱譽。惲

少顯朝廷。一朝以曖昧語言見廢。內懷不服。報會宗書。

畧言。竊自思念。過已大矣。行已虧矣。長爲農夫。以沒世矣。田家作苦。歲時伏臘。烹羊炰羔。斗酒自勞。酒後耳熱。

仰天拊缶而呼烏烏。其詩曰。田彼南山。蕪穢不治。種一頃豆。落而爲箕。人生行樂耳。須富貴何時。誠荒淫無度。

不知其不可也。

會有日食變。騶馬猥佐成。

騶。使馬吏。成名。

告惲。驕奢不

悔。過日食之咎。此人所致。章下廷尉案驗。得所予會宗

書。上見而惡之。當惲大逆無道。腰斬。妻子流酒泉。諸在

位與惲厚善者皆免官。

京兆尹張敞坐惲黨當免奏未下敞使掾按事掾私歸其家曰

五日京兆耳安能復按事敞聞即收掾致其死事掾家告之上免敞為庶人敞詣闕上印綬便從闕下亡命數月京兆吏民解弛枹鼓數起而冀州部中有大賊數上使使者即家召敞拜冀州刺史到部盜賊屏息

戊辰甘露元年以韋元成為淮陽中尉

皇太子柔仁好儒見帝所用多文法吏嘗侍燕從容言

陛下持刑太深宜用儒生帝作色曰漢家自有制度本

以霸王道雜之奈何純任德教用周政乎且俗儒不達

時宜好是古非今使人眩于名實不知所守何足委任

乃歎曰亂我家者太子也次子淮陽王欽

母張婕妤有寵

明察

好法上欲立之然因太子起于微細上少依許氏及即

位而許后以弑死故弗忍至是拜元成為淮陽中尉以

漢宣此語失之甚矣周非用德教而亂政以不善用德教而亂耳雜霸之言豈所以訓子孫至既知元帝柔儒不勝神器而復優游寡斷所謂為天下得人難之義安在且淮陽王亦未必即賢與兄與弟惟父所命乃更以讓爵之元成為淮陽中尉欲以感喻淮陽

王是不益啟其覬覦之心
平蓋大本既託措施必無
一是著

元成嘗讓爵于兄。元成初以父賢任為郎常侍騎會兄弘為太常丞坐罪繫獄賢病門下生其矯賢令以元成為後及賢卒元成當襲爵即陽為病狂不應召欲以爵讓兄丞相御史劾元成實不病有詔勿劾引拜元成不得已受爵帝高其節以為河南太守弘泰山都尉欲以感喻淮陽王由是太子遂安

已二年立子聶為定陶王

後徙楚

宇為東平王

東平國治無鹽故城在今

泰安府東平州

庚午三年春正月匈奴呼韓邪單于來朝還居幕南塞下

初五單于爭立屠耆單于擊車犁烏藉皆敗之車犁烏藉西北走與呼揭單于合而呼揭烏藉皆去單于號并

力尊輔車犁屠耆單于復擊之車犁單于敗走事在五鳳元年

既而呼韓邪單于襲屠耆屯兵屠耆兵敗自殺車犁因

東降呼韓邪而屠耆少子右谷蠡王姑耆樓頭亡歸漢

呼韓邪大將烏厲屈等見匈奴亂亦率其衆南降漢封

屈爲新城侯及烏厲溫敦爲義陽侯烏厲

置西河北地屬國以處匈奴降者是時屠耆單于弟

休旬王自立爲閼振單于呼韓邪兄右賢王呼屠吾斯

又自立爲郅支骨都侯單于在五年後閼振單于東擊

郅支郅支與戰殺之遂進攻呼韓邪呼韓邪單于敗在五年

鳳四左伊秩訾王勸令稱臣事漢呼韓邪從之遣子右

賢王銖鏤渠堂入侍郅支單于亦遣子右大將駒于利

受入侍在甘露元年呼韓邪引其衆南遂欵五原塞願朝詔

議其儀蕭望之以爲宜待以不臣之禮位諸侯王上從

時蕭望之言頗得體而宣帝聽望之議待呼韓邪以不臣之禮失威重矣竊思者率以望之爲是苟悅以非禮聞之實哉

謁稱臣而不名。賜以冠帶衣裳弓矢車馬金錢繡穀諸物使使者道單于先

行宿長平。在今涇陽縣西南上自甘泉還登長平坂詔單于毋

謁其羣臣皆得列觀及諸蠻夷君長咸迎于渭橋下夾

道陳上登渭橋咸稱萬歲單于就邸長安置酒建章宮

饗賜之二月遣歸國發邊郡士馬送出塞又轉邊穀米

精給之。前後三萬四千斛單于請居光祿塞光祿勳徐自為所築在今吳喇忒故

九原城下保受降城。注見前自是烏孫以西至安息諸國近

匈奴者咸尊漢矣。後黃龍元年春呼韓邪復來朝郅支聞漢助呼韓邪遂徙居堅昆東去單

于庭七千里

畫功臣于麒麟閣。張晏曰麒麟閣武帝獲麒麟時作圖畫其象于閣遂以為名

上以戎狄賓服思股肱之美乃圖畫其人于麒麟閣署

後漢書卷之二十一

五

其官爵姓名惟霍光不名曰大司馬大將軍博陸侯姓
霍氏其次張安世韓增趙充國魏相丙吉杜延年劉德
梁邱賀琅琊諸人蕭望之蘇武凡十一人皆有功德知
名當世

丞相霸卒諡曰以于定國為丞相封西平侯

詔諸儒講五經異同于石渠閣顏師古曰閣在未央殿北以藏秘書

施讐沛人從田王孫受易論易周堪齊人從夏侯勝受尚書孔霸孔子十三

侯勝治論書薛廣德沛郡相人以論詩戴聖梁人與兄德同受后

舍曲臺記論禮公羊公羊高齊人子夏弟子高傳其子平平傳其子地地傳其子敢敢傳

其子壽壽傳胡母子階及董仲舒仲舒則嚴彭祖東海

傳嬴公嬴公傳莊孟莊孟傳彭祖東海穀梁穀梁赤魯人二名似字元始子夏弟子赤傳荀卿荀卿傳申公申公傳江公江公傳榮廣榮廣

傳蔡千秋則尹更始汝南人蕭望之等平奏其議上親

稱制臨決焉乃立梁丘易孔子傳易于商瞿瞿傳于子弓子弓傳于子思何何傳于子孫

周子家監傳光子乘羽羽傳田王孫王孫傳梁邱賀賀本從京房

王孫傳丁寬寬傳田王孫王孫傳梁邱賀賀本從京房

受易後更大小夏侯尚書伏勝今文尚書傳博士張生

事田王孫始昌始昌傳勝小夏侯名建勝之從父子也勝

傳族子始昌始昌傳勝小夏侯名建勝之從父子也勝

以書授建建又事歐陽高由是尚書有大小夏侯之學

穀梁春秋博士

孫驚生即成帝劉友益書法王氏之篡漢之中否自驚生始矣故謹書之

皇太子所幸司馬良娣病死太子忽忽不樂帝令皇后

擇後宮家人子可侍太子者得王政君魏郡元城人故

女即莽之姑也送太子宫是歲生子男于甲觀畫堂顏師古曰

謂甲乙丙丁之次畫堂為世適皇孫帝愛之自名曰驚

字太孫。常置左右。

烏孫公主

楚主解憂

來歸。

初。烏孫肥王翁歸靡死。兄子泥靡立。

是為狂王。

復尙楚主。與

主不和。暴惡失衆。肥王有胡婦子烏就屠。襲殺狂王而

自立。漢欲討之。烏就屠恐。願得小號以自處。上遣謁者

立楚王子元貴靡為大昆彌。烏就屠為小昆彌。

事在甘露二年。

已而元貴靡死。楚王上書言。年老思土。願歸葬漢地。天

子閔而迎之。待如公主之制。後二歲卒。

烏孫立元貴靡子星靡為大昆彌。

彌。

黃龍

顏師古曰。是年二月。元年。春。三月。有星孛于王良。

閔道

史記正義。王良五星在奎北。閔道。星在王良北。

入紫微。

帝寢疾以吏高爲大司馬車騎將軍蕭望之爲前將軍光祿勳周堪爲光祿大夫受遺詔輔政領尚書事

冬十二月帝崩。

太子奭卽位。

是爲孝元帝。

尊皇太后曰太皇太后。

上官后。

皇后曰皇太后。

卬成王皇后。

徐世昌先生集

卷之十一

五

御批歷代通鑑輯覽卷之十八

漢

孝元皇帝

癸酉初元元年春正月葬孝宣皇帝杜陵在西安府咸寧縣東南考漢書帝本

紀凡書葬皆曰葬某陵孝宣葬于元帝元年故特書諡以別今依之

呂氏祖謙曰宣帝綜核名實信賞必罰功光祖宗業垂後嗣然用恭顯而改帝之信宦者賞許史而改成帝之任外戚殺趙蓋韓楊而改哀帝之誅大臣故論其功則為中興之君論其過亦為基禍之主

大赦

是月以三輔太常郡國公田及苑可省者振業貧民賦

貸種食

顏師古曰賦給與之也貸假也

三月立皇后王氏

即王政君

後漢書卷之十一
光武皇帝本紀第十一

后父禁有四女八男后次女也長男鳳字元卿次曼字元卿

譚字子元崇字少卿商字子立根字稚卿逢時字季卿禁多

取傍妻惟鳳崇與后同月母李禁適妻任后在身夢月入其懷後以姁出后既

立禁封陽平侯食邑東郡永九二年禁卒鳳嗣侯

夏六月大疫

詔大官省膳減樂府員省苑馬以振困乏

秋九月關東大水饑

關東郡國十一大水饑人或相食轉旁郡錢穀以相救

以貢禹貢氏子貢之後以字為氏禹字少翁琅邪人為諫大夫

上素聞王吉貢禹皆明經潔行吉與禹為友世稱王陽在位貢禹彈冠言其取

舍同遣使者徵之吉迫病卒上聞之遣使召禹至拜諫大

皇帝踐阼之初患在謹法
擅權優柔不斷禹所言恭
儉節慎非切中當時要務

蓋泛論權臣所不忌聊以塞責云迹其生平受石顯之薦劾劉向之罪大節可見矣

夫問以政事。禹言古者人君節儉。什一而稅。亡他賦役。故家給人足。高祖文景。宮女不過十餘。廐馬百餘匹。故時齊三服官。李斐曰。齊國舊有三服之官。春獻冠幘。縱為首服。紵素為冬服。輕綃為夏服。凡三。輸物不過十笥。今工作數千。歲費鉅萬。廐馬食粟將萬匹。惟陛下深察古道。從其儉者。天生聖人。蓋為萬民。非獨使自娛樂已也。帝善其言。下詔令諸宮館希幸御者。勿繕治。太僕減穀食馬。水衡省肉食獸。省宜春下苑。以與貧民。遷禹為光祿大夫。

初置戊己校尉。

師古曰。甲乙丙丁庚辛壬癸。皆有正位。惟戊己寄治。今所置校尉。亦無常居。故以戊

己為名也。有戊校尉。已校尉。有丞司馬各一人。候五人。

使屯田車師故地。

宣帝元康二年。以車師地與匈奴。今匈奴款服。故復屯田其地。

卷之八

甲戌二年春正月。下蕭望之。周堪。及宗正劉更生。字子政。陽城侯德子。後改獄。皆免為庶人。

時史高以外屬領尚書事。望之。堪。副之。二人皆以師傅

舊恩。望之前以御史大夫左遷太子太傅。堪亦前為太子少傅。帝任之。數宴見。言治

亂。陳王事。選宗室明經有行。劉更生給事中。與侍中金

敞。日碑姪。安上之子。並拾遺左右。四人同心謀議。勸導上以古

制。多所匡正。史高充位而已。由是與望之有隙。中書令

臣瓚曰。漢初中。人有中謁者令。孝武加為中書謁者令。百官表。中書謁者黃門諸僕射署長。中黃門皆屬焉。

弘恭。沛人。僕射註見前。石顯。濟南人。自宣帝時久典樞機。及

帝即位。多疾。以顯中人無外黨。遂委以政事。事無大小。

因顯白。央顯巧慧。能深得人主微旨。內深賊。持詭辯。以

中傷人與高表裏望之既患許史放縱又疾恭顯擅權建白以爲中書政本國家樞機宜以通明公正處之武帝遊宴後庭故用宦者非古制也宜罷中書宦官應古不近刑人之義帝不聽而出更生爲宗正望之堪數薦名儒以備諫官鄭朋會稽人陰欲附望之上疏言許史罪過堪白令待詔金馬門註見前後知其傾邪絕不與通朋怨恨更求入許史推所言事曰皆堪更生教我待詔華龍欲入堪等堪等不納亦與朋相結恭顯乃令二人告望之等欲疏退許史狀事下恭顯推問恭顯因奏望之堪更生朋黨相稱舉毀離親戚欲以專擅權勢爲臣不忠請召致廷尉時上初卽位不省召致廷尉爲送獄可

不知廷尉爲獄已屬情意
既知而出之獄又聽議以
免爲庶人元帝之爲人可
知矣罷珠厓赦廣德皆小
節耳何足稱哉

御批歷代通鑑輯覽

卷之十八

其奏後上召堪更生曰繫獄上大驚曰非但廷尉耶以
責恭顯皆叩頭謝上曰令出視事恭顯使高說上皆免
爲庶人

二月隴西地震

壞太上皇廟敗城郭室屋壓殺人衆是秋七月地復震
夏四月立子騫爲皇太子

待詔鄭朋奏張敞先帝名臣宜傳太子上問蕭望之望
之曰敞能吏任治繁亂材輕非師傅之器上欲以爲左
馮翊會敞病卒

冬賜蕭望之爵關內侯

詔曰故前將軍望之傳朕八年道以經術厥功茂焉其

賜爵關內侯。食邑。朝朔望。坐次將軍。

以周堪劉更生爲中郎。尋繫獄免。十二月。蕭望之自殺。以宦者石顯爲中書令。

上復徵周堪劉更生。欲以爲諫大夫。恭顯白以爲中郎。上器重蕭望之。不已。欲倚以爲相。恭顯許史。皆側目。更生乃使其外親上變事。言地震殆爲恭等。宜退恭顯。以彰蔽善之罰。進望之等。以通賢者之路。恭顯疑更生所爲。請考姦詐。辭服。遂繫獄。下太傅韋元成。諫大夫貢禹。與廷尉雜考。劾更生前爲九卿。坐與望之謀排許史。而欲專權。幸不伏誅。復蒙徵用。又教人言變事。誣罔不道。免爲庶人。會望之子伋。官散騎中郎。亦上書訟望之前事。事下有司。復奏望之教子上書。失大臣體。不敬。請逮捕。上曰。太傅素剛。

安肯就吏。顯等曰：人命至重，望之所坐，語言薄罪，必無所憂。乃可其奏。顯等令謁者召望之，因急發執金吾車騎圍其第。望之以問門下生朱雲。魯人。徙平陵。事望之僚畏之。惟御史中丞陳咸年少抗節不附。受論語時顯用事。百顯等而與雲相結。陳咸字子康。萬年子。雲好節士，勸望之自裁。望之歎曰：吾嘗備位將相，年踰六十矣，老入牢獄，苟求生活，不亦鄙乎？飲鴆自殺。帝聞之，驚拊手曰：曩固疑其不就牢獄，果然殺吾賢傅。卻食涕泣，召顯等責問，以議不詳，皆免冠謝。良久然後已。詔令長子伋嗣爲關內侯，每歲時遣使祭其家。是歲恭死，遂以顯爲中書令。

乙亥三年春，罷珠崖郡。

珠崖諸縣叛。儋耳、珠崖，民暴惡，難犯吏。自武帝元鼎六年置郡，至昭帝始元元年，凡六反。五年罷。

詹耳郡并屬珠崖。宣帝神爵三年。珠崖三縣反。發兵擊

之。連年不定。上與有司議大發軍。待詔賈捐之。誼曾曰。

臣聞秦興兵遠攻。貪外虛內。而天下潰叛。孝武皇帝厲

兵馬以攘四夷。賦繁役重。寇賊並起。是皆廓地泰大。征

伐不休之故也。今關東民困。流離道路。至嫁妻賣子。法

不能禁。此社稷之憂也。願遂棄珠崖。專用恤關東為憂。

奏上。上以問丞相御史。御史大夫陳萬年以為當擊。丞相于定國以為前日與兵擊之。護軍都尉校尉及

丞凡十一人。還者二人。卒士及轉輸死者萬人以上。費用三萬萬餘。尚不能降。今關東困乏。民難搖動。捐之議

是。從之。詔罷珠崖郡。民有慕義欲內屬。便處之。不欲勿

彊。

以周堪為光祿勳。張猛。堪弟。為光祿大夫給事中。

御批歷代通鑑輯覽 卷之十八

丁丑五年春正月以周子南君名延其祖父姬嘉武帝時封為周承休故城

在今河南汝州漢立周後國于此後廢侯

夏四月有星孛于參漢書天文志參為白虎三星直者是為衡石下有三星銳曰罰為斬艾事

其外四星左右肩股也

六月以貢禹為御史大夫

禹由光祿大夫遷長信少府帝用禹言詔大官毋日殺

所具各減半罷角抵齊三服官北假田官北假地名在吳刺忒西北

史記秦使蒙恬渡河據陽山北假中即此鹽鐵官常平倉博士弟子毋置員

以廣學者省刑罰七十餘事時御史大夫陳萬年卒以

禹代之禹在位數言得失書數十上帝嘉之十二月卒

以長信少府薛廣德字長卿沛郡相人為御史大夫

戊寅
永光元年春正月郊泰時。

上郊泰時禮畢因留射獵薛廣德曰關東困極人民流離陛下日撞亡秦之鐘聽鄭衛之樂臣誠悼之今士卒暴露從官勞倦陛下亟反宮思與民同憂樂天下幸甚上即日還。是秋上耐祭宗廟出便門欲御樓船廣德當乘輿免冠頓首曰宜從橋詔曰大夫冠廣德曰陛下不聽臣臣自刎以血汙車輪陛下不得入廟矣上不悅光祿大夫張猛進曰臣聞主聖臣直乘船危就橋安聖主不乘危御史大夫言可聽上曰曉人不當如是耶乃從橋。

丞相定國御史大夫廣德罷以韋元成為御史大夫。

上自卽位連年災害言者歸咎大臣于是上以朝日引見丞相責以職事定國等惶恐上書自劾乞骸骨乃賜安車駟馬黃金罷就第。

城門校尉諸葛豐

葛伯之後居琅邪諸縣人謂之諸葛遂以爲氏豐字少季琅邪人

有罪

免左遷周堪爲河東太守張猛爲槐里

註見前令

石顯憚堪猛等數譖毀之劉更生懼其傾危上封事諫

略曰臣聞舜命九官濟濟相讓和之至也衆臣和于朝

則萬物和于野和氣致祥乖氣致異正臣進者治之表

正臣陷者亂之機也夫執狐疑之心者來讒賊之口持

不斷之意者開羣枉之門護邪進則衆賢退羣枉盛則

正士消今用賢如轉石去邪如拔山如此望陰陽之調

不亦難乎陛下誠深思天地之心以揆當世之變杜閉

羣枉之門廣開衆正之路決斷狐疑分別猶豫則

百異消滅而衆祥並至太平之基萬世之利也

其書愈與許史比而怨更生等是歲夏寒日青顯及許

史皆言堪猛用事之咎帝內重堪又患衆口浸潤無所

取信時長安令楊興以材能幸常稱譽堪帝欲以爲助

乃問興朝臣斷

魚巾斷爭辨之意

不可光祿勳何耶興傾巧

謂帝疑堪。因順旨曰。堪非獨不可于朝廷。卽州里亦不可也。臣前見衆人以爲當誅。故言堪不可誅。爲國養恩也。帝于是疑之。城門校尉諸葛豐。以剛直著名。上書告堪猛罪。帝不直豐。乃詔御史曰。豐前數稱堪猛之美。爲司隸校尉。專作苛暴。京師爲之語曰。問何闊。逢諸葛。朕言何久不見。以逢諸葛故也。朕不忍下吏。以爲城門校尉。不內省已。而反怨堪猛。告按無證之辭。暴揚難驗之罪。毀譽恣已。不顧前言。其免爲庶人。豐言堪猛。貞信不立。朕惜其材能。未有所效。其左遷堪爲河東太守。猛槐里令。

待詔賈捐之棄市。

初。捐之與楊興善。捐之數短石顯。以故不得官。希復進

捐之朋比爲奸。自貽伊戚。石顯薦顯。尤所謂授人以

文不智之甚者子輿氏所
惡於小有才尚非其比輿
亦傾邪小人熱中躁進其
後雖諫封王氏實不足盡
其可也耳

行抄卷之十

卷之十

十

見輿新以材能得幸。捐之欲得召見。謂輿曰。京兆尹缺。

使我得見言君蘭。輿字。京兆尹可立得。輿曰。君房。捐之

下筆。言語妙天下。使君房為尚書令。勝五鹿充宗。風俗

鹿。衛邑。晉文公封舅犯于此。後因為氏。充宗。頓邱人。顯之黨。時為少府。遠甚。捐之曰。令我

得代充宗。君蘭為京兆。京兆郡國首。尚書百官本。天下

真大治。士則不隔矣。輿曰。顯方信用。今欲進用。且與合

意。即得入矣。即共為薦顯奏。稱其美。捐之又作薦輿奏。

以為可試。守京兆尹。顯聞其謀。白之帝。乃下輿捐之獄。

令顯治之。捐之坐罔上不道。棄市。輿髡鉗為城旦。

卯巳二年。春二月。以韋元成為丞相。元成前削一級。為關內侯。至是為相。復封扶陽

侯。

三月壬戌朔日食。

夏六月以匡衡

匡以邑爲氏。衡字稚圭。東海承人。爲光祿大夫。

衡爲給事中。

初。衡以明經稱。諸儒爲之語曰。無說詩。匡鼎來。匡說詩。解人頤。長安令楊興說史高。

辟爲議曹。高薦于上。上以爲郎中博士。遷給事中。

上問以地震日食之變。衡上

疏曰。陛下閔愚民觸法抵禁。比年大赦。使得自新。天下

幸甚。臣竊見大赦之後。姦邪不爲衰止。此殆導之未得

其務也。今天下貪財賤義。廉恥之節薄。淫辟之意縱。苟

合微幸。以身設

施也。

利。不改其原。雖歲赦之。刑猶難使

錯而不用也。臣愚以爲宜曠然大變其俗。夫朝廷者。天

下之楨幹也。公卿相與循禮恭讓。則民不爭。好仁樂施。

則下不暴。尚義高節。則民興行。寬柔和惠。則衆相愛。四

者。明王所以不嚴而成化也。今長安天子之都。親承聖化。然其習俗。無以異于遠方。郡國來者。無所法則。或見侈靡而放效之。此教化之原本。風俗之樞機。宜先正者也。臣聞天人之際。精祲氣也有以相盪。善惡有以相推。事作乎下者。象動乎上。陰變則靜者動。陽蔽則明者晦。水旱之災。隨類而至。陛下祇畏天戒。哀閔元元。宜省靡麗。考制度。近中正。遠巧佞。以崇至仁。匡失俗。道德鴻于京師。淑問揚乎疆外。然後大化可成。禮讓可興也。上悅其言。遷衡爲光祿大夫。

秋。七月。隴西羌反。遣右將軍馮奉世將兵擊破之。

羌反。上詔丞相元成等入議。右將軍馮奉世曰。西羌近

今世所陳頗爲明決至謂
用兵之數必計敵而倍之
欲以兩人制一人不堪一
噓白登之圍曷頓精兵四
十萬法當用八十萬倉卒
何由而得

在境內背叛不以時誅無以制遠臣願帥師討之上問
用兵之數對曰臣聞善用兵者役不再興糧不三載師
不久暴而天誅亟決今叛羌無慮三萬人法當倍用六
萬人然羌戎之兵器不犀利可用四萬人一月足以滅
丞相御史皆以爲民方收歛發萬人屯守之且足奉世
曰不可以萬人分屯三處戰則挫兵病師守則百姓不
救如此怯弱之形見羌人乘利諸種並和將相扇而起
故少發師而曠日與一舉而疾決利害相萬也固爭之
不能得有詔益二千人遣奉世到隴西分屯三處護軍
都尉韓昌先遣兩校尉與羌戰爲所破殺奉世具上地
形部衆多少之計願益三萬六千人上爲發六萬人太

常任千秋為奮威將軍。將五校並進。冬十月大破羌虜。斬首數千級。餘皆

走出塞。明年奉世還。賜爵關內侯。

庚辰三年春三月立子康為濟陽。故城在河南開封府蘭陽縣。王。後徙山陽。復徙

昭儀子。傳。

冬十一月地震。雨水。

辛巳四年夏六月戊寅晦日食。以周堪為光祿大夫。張猛為

大中大夫。堪卒。猛自殺。

上以日食召諸前。言日變在堪。猛者責問。皆稽首謝。因

下詔稱堪之美。徵拜光祿大夫。領尚書事。猛復為大中

大夫。給事中。石顯管尚書。尚書五人。漢舊儀。尚書四人。為四曹。常侍尚書

主丞。相御史事。二千石尚書。主刺史二千石事。戶曹尚書。主庶人上書事。主客尚書。主外國事。成帝始置五人

有三公曹主斷獄事。是時尚書員止四人。胡三省曰。顯與牢梁五鹿充宗伊嘉陳順五人皆典領尚書。雖未有定員。實亦五人也。皆其黨。堪希得見。常因顯白事。事決顯口。會

堪疾暗不能言而卒。顯誣譖猛。令自殺于公車。

劉更生傷之乃

著疾讒。擿要救危。及世頌凡八篇以悼之。更生亦坐廢十餘年。

冬十月。罷祖宗廟在郡國者。

初。貢禹奏言。孝惠孝景廟皆親盡宜毀。又郡國立廟。不

應古禮。宜正定。

高祖時。令諸侯王國都皆立太上皇廟。至惠帝尊孝

文廟。為太宗廟。行所幸郡國各立太祖太宗廟。至宣帝本始二年。復尊孝武廟為世宗廟。行所巡守亦立焉。凡祖宗廟在郡國六十八。廟合百六十七所。而京師自高祖下至宣帝。與太上皇。悼皇考。各自居陵旁立廟。而昭靈后。武哀王。昭哀后。孝文太后。孝昭太后。衛思后。戾太子。戾后。亦各有寢園。故禹請毀之。昭靈后。高祖母。武哀王。高祖兄。昭哀后。高祖姊。衛思后。戾太子母。帝是其議。至是行之。先卒。

復從韋元成議毀太上皇孝惠帝寢廟園事在五年後又罷

孝文太后孝昭太后寢園事在建昭元年後五年秋復太上皇寢廟園原廟昭靈后

武哀王昭哀后衛思后園竟寧元年春又復孝惠帝寢廟園孝文太后孝昭太后寢園五月復悉毀之至成帝河平二年以無繼嗣又復太上皇寢廟園

壬午五年秋潁川大水

以匡衡為太子少傅

上好儒術文辭頗改宣帝之政言事者多進見又傳昭

儀傳出商傳說之後以地為氏及濟陽王康愛幸逾于皇后太子衡

上疏曰臣聞治亂安危之機在乎審所用心傳曰審好惡理性情而王道畢矣治性之道必審已之所有餘而彊其所不足蓋聰明疏通者戒于太察寡聞少見者戒

于壅蔽。猛勇剛強者。戒于太暴。仁愛溫良者。戒于無斷。
湛靜安舒者。戒于後時。廣心浩大者。戒于遺忘。必審已
之所當戒。而齊之以義。然後巧僞之徒。不敢比周而望
進。臣又聞室家之道。修而天下之理得。故聖王必慎后
妃之際。別嫡長之位。卑不踰尊。新不先故。嫡子冠乎阼。
衆子不得與列。所以貴正體而別嫌疑也。非虛加其禮
文而已。如當親者疏。當尊者卑。則巧佞之姦。因時而動。
以亂國家。故聖人慎防其端。禁于未然。不以私恩害公
義。傳曰。正家而天下定矣。

河決。

初。武帝旣塞宣防。

見元封二年。

河復北決于館陶。分爲屯氏。

河。漢書地理志。魏郡館陶。河水別出為屯氏河。東北至章武入海。過郡四。行千五百里。水經。大河故瀆。自沙

邱堰南分。屯氏河出焉。今山東之館陶。冠縣。邱縣。在平。高唐州。及直隸之大名。景州。寧津。南皮。滄州。鹽山。俱

有屯氏河故道。東北入海。寰宇記。毛河。在清池縣西南。至鹽山

遂直稱為毛河也。清池故城。在今直隸滄州。鹽山。今縣。屬直隸天津府。

與黃河經流相等也。馮智舒以大河源出登州棲霞。至福山入海。謬矣。

塞也。是歲。河決于清河。漢郡。注。靈。漢縣。故城在今山東東呂府高唐州。鳴

犢口。顏師古曰。清河郡之靈縣。鳴犢口也。今故瀆。在高唐州南。而屯氏河絕。考漢書

鳴犢河。東北至蓼。入屯氏河。其日絕者。言蓼縣以上之瀆也。蓼縣。注見前。

癸未。建昭元年。春正月。隕石于梁。

冬。帝如長楊射熊館。長楊。宮名。在盩厔縣東南。三輔黃

圖。宮中有垂楊數畝。門曰射熊。

布車騎大獵。復幸虎圈。註見前。鬪獸。後宮皆坐。熊佚出圈。

攀檻欲上殿。左右貴人傳昭儀等皆驚走。馮婕妤左將軍奉

世女。直前當熊而立。左右格殺熊。上問人情驚懼。何故前

當熊。婕妤對曰。猛獸得人而止。妾恐熊至御坐。故以身

當之。上嗟嘆。倍敬重焉。傳昭儀慙。于是與馮婕妤有隙。

甲申二年夏六月。立子興馮婕妤出。為信都即廣川國。廣王。後徙中山。

薨。子衍嗣。即平帝。

秋。殺魏郡太守京房。字君明。頓邱人。本姓李。推易自定為京氏。

梁人。字贛。亦曰焦贛。以郡吏察舉。補小黃令。延壽常曰。得

我道以亡身者。京生也。其說長于災變。分六十四卦。更

直日用事。孔穎達易正義。卦氣起中孚。故離坎震兌各主其一方。其餘六十卦。卦有六爻。爻主一日。

凡主三百六十日。餘有五日四分日之一。每日分為八十

卦分之。卦各得七分。是每爻直一。日有奇。而每卦直六日七分也。

以風雨寒溫爲候。各

有占驗。

房好鍾律。知音聲。

以孝廉爲郎。屢言災異有驗。上說之。

數召見問。房對曰。古帝王以功舉賢。則萬化成。瑞應著。

末世以毀譽取人。故功業廢而致災異。宜令百官各試

其功。災異可息。詔使房作其事。房奏考功課吏法。上意

嚮之。時石顯專權。房嘗宴見。問上曰。幽厲之君何以危。

所任者何人也。上曰。君不明而所任者巧佞。房曰。齊桓

公。秦二世。亦嘗聞此君而非笑之。然所任豎刁。趙高。政

治日亂。何不以幽厲卜之而覺寤乎。上曰。唯有道者能

以往知來耳。房免冠頓首。

言春秋紀二百四十二年災異。以示萬世。今陛下卽位以

來。日月失明。星辰逆行。山崩泉湧。地震石隕。夏霜冬雷。春凋秋榮。水旱螟蟲。民人飢疫。盜賊不禁。刑人滿市。春

秋所紀災。因曰。陛下視今爲治邪。爲亂邪。上曰。亦極亂。異盡備。

耳。尙何道。房曰。今所任者誰與。上曰。然。幸其愈于彼。又以爲不在此人也。房曰。前世之君亦皆然矣。臣恐後之視今。猶今之視前也。上良久。廼曰。今爲亂者誰哉。房曰。明主宜自知之。上曰。不知也。如知。何故用之。房曰。上所最信任。與圖事帷幄之中。進退天下之士者是矣。房指石顯。上亦知之。謂房曰。已諭。後卒不能退顯。顯與五鹿充宗。疾房欲遠之。建言以房爲魏郡太守。得以考功法治郡。房去月餘。顯知房與張博爲淮陽王求朝奏草。博淮陽王之舅。從房受學。以女妻房。博知帝欲用房。而爲衆所排。欲令王上書求入朝以助房。因記房所說災異。及爲王求朝奏草。告房等。泄漏省中語。誹謗政治。註誤諸皆持以與王。

房諫自不可沒。至其挾淮陽以求助。已不正矣。焉能正人。雖無石顯。亦是亡身。延壽先見之言。豈

獨於學易占變決之

父學子語至夜半且明云
大要教誥此誰所傳蓋或
美感爲直臣子謂定非孝
子

御批歷代通鑑輯覽

卷之八

三

侯王皆下獄棄市妻子徙邊

初房見帝道幽厲事出爲御史大夫鄭弘言之弘亦

坐免爲庶人自殺鄭弘字穉卿泰山剛人

下御史中丞陳咸獄髡爲城旦

初咸以父萬年任爲郎有異材抗直數言事

萬年嘗教戒之語至

夜半咸睡萬年怒欲杖之咸叩頭謝曰具曉所言大要教咸誥也萬年乃不復言

及遷御史中

丞數毀石顯坐與槐里令朱雲善泄漏省中語

有司考雲風吏

殺人上問雲治行丞相元成奏雲暴虐無狀咸聞語雲云上書自訟丞相具發其事下獄髡爲城

旦雲亦廢錮

顯威權日盛與中書僕射牢梁少府五鹿充宗結爲黨友諸依附者得寵位民歌之

曰牢邪石邪五鹿客邪印何累累綬若若邪顯聞衆人洵洵言已殺蕭望之恐天下學士訕已以貢禹明經著

節乃深自結納薦禹位歷九卿禮事之甚備帝嘗使至諸官有所徵發先自白恐後宮門閉請使詔吏開門上

許之顯故投夜還稱詔開門入後果有告顯矯詔開宮門上笑以其書示顯顯因泣曰陛下過私小臣屬任以

事。羣下無不嫉妬。欲陷害臣者。事如此非一。願歸樞機職。受後宮掃除之役。死無所恨。惟陛下哀憐。以此全活小臣。上憐之。益勉勞顯。顯之設變詐。以自解免。取信人主者。皆此類也。

閏八月。太皇太后崩。昭帝上官后。

冬十一月。齊楚地震。

大雨雪。樹折屋壞。

乙酉三年。夏六月。丞相元成卒。諡曰共。秋七月。以匡衡為丞相。

封樂安侯。

冬。西域副校尉陳湯。字子公。山陽瑕丘人。矯制發兵。與都護甘延壽。

字君况。北地郁郅人。襲擊匈奴。支單于于康居。斬之。

郅支單于自徙居堅昆。在單于庭之西。今鄂羅斯南境地。怨漢擁護呼。

韓邪而不助已。因辱漢使者江迺始等。遣使求侍子。即駒。

于利受見漢遣衛司馬谷吉

長安人

送之

貢禹匡衡以爲鄧支嚮化未醜

甘露元年所在絕遠宜令使者送其子

至塞而還吉願送至庭許之既至爲鄧支所殺鄧支自

知負漢又聞呼韓邪益強恐見襲擊會康居遣使迎鄧

支欲與合兵取烏孫鄧支素怨烏孫遂引兵西康居王

以女妻鄧支欲倚其威以脅諸國鄧支數借兵擊烏孫

深入至赤谷城

烏孫大昆彌至于此

烏孫西邊空虛不居者且千

里鄧支自以大國又乘勝驕不爲康居王禮漢遣使三

輩至康居求谷吉等死皆困辱之不奉詔陳湯乃與甘

延壽謀襲鄧支

湯曰西域本屬匈奴今鄧支威名遠聞常爲康居畫計欲降服烏孫大宛如得

此二國久之必爲中國患今發屯田吏士兵直指其城下彼亡則無所之守則不自保千載之功

與公卿議大策非凡所見事必不從

會延壽病湯獨

矯制發諸國兵及屯田吏士四萬餘人上疏自劾陳言

兵狀即日引軍分為六校其三校從南道踰葱嶺其三校都護自將發溫宿國從北道溫宿

國治溫宿城去長安八千五百五十里進薄康居城下鹵楯在前戟弩在

後土城外有木城發薪燒之四面火起吏士喜大呼乘

之康居引卻漢兵推鹵楯並入土城中單于被創死斬

其首傳至京師縣藁街顏師古曰藁街街名蠻夷邸在此街也十日四年以誅

鄧支告祠郊廟赦天下羣臣置酒上壽

丁亥五年夏六月壬申晦日食

戊子竟寧元年春正月匈奴單于來朝

匈奴呼韓邪單于聞鄧支既誅且喜且懼入朝自言願

婿漢氏以自親帝以後宮良家子王嬙字昭君南郡秭歸人王穰之女

賜之。單于喜。上書願保塞。請罷邊備。以休天子民人。議者皆以爲便。郎中侯應習邊事。以爲不可許。上問狀。應

以十事對。

畧曰。臣聞北邊塞外有陰山。東西千餘里。草

來出爲寇。孝武世。斥奪此地。建塞徼。起亭隧。築外城。設屯戍。以守之。邊境得用少安。邊長老言。匈奴失陰山之後。過之未嘗不哭也。如罷備塞戍卒。示夷狄之大利。不可一也。前已罷外城。省亭隧。纔足候望。通烽火。安不忘危。不可復罷。二也。中國愚民。猶尚犯禁。何況匈奴。豈能必不犯約。三也。中國設關梁。置屯戍。非獨爲匈奴。亦爲諸屬國降民逃亡。四也。西羌保塞。漢吏民貪利侵盜。以此怨起而背叛。今罷乘塞。則生嫚易分爭之漸。五也。往者從軍。多沒不還。子孫貧困。必出亡從之。六也。邊人奴婢愁苦。聞匈奴中樂。欲亡者多。七也。盜賊犯法。亡走北出。八也。起塞以來。卒徒勞苦。功費久遠。不深慮其終始。欲以壹切省繇戍。卒有他變。障塞破壞。當更繕治。累世之功。不可卒復。九也。單于自以保塞守禦。請求無已。小失其意。則不可測。十也。

陰山。徐廣曰。在五原北。考陰山。橫障漠北。起寧夏。賀蘭山。當河套北。亘吳。刺武。歸化城之境。蜿蜒而東。隨地易名。蓋數千里。侯應以爲東西

千餘里。亦約對奏。上詔勿議罷邊塞事。使許嘉延壽子。大司馬

畧言之耳。車騎將軍。襲封平恩侯。論單于曰。單于上書嚮慕禮義。所以為民

計者甚厚。朕甚嘉之。中國四方皆有關梁障塞。非獨以

備塞外。亦以防中國。姦邪放縱。出為寇害也。敬諭單于

之意。朕無疑焉。單于謝曰。愚不知大計。天子幸使大臣

告語甚厚。歸號王。燾為寧胡閼氏。

三月。以張譚為御史大夫。

初。石顯見馮奉世父子為公卿著名。女又為昭儀。由健仔進

昭儀。昭儀位視丞相。爵比諸侯王。帝時始置。心欲附之。薦昭儀兄遂。字子修

敕宜侍帷幄。帝召見遂。遂因言顯專權。帝怒。罷遂。及御

史大夫缺。二月。李延壽卒。在位多舉遂兄大鴻臚野王卿。字君行

能第一。帝以問顯。顯曰。九卿無出野王者。然親昭儀兄。臣恐後世必以陛下私後宮親。以爲三公。上曰。善。乃以太子少傅張譚爲御史大夫。

以召信臣

字翁卿。九。江壽春人。爲少府。

信臣先爲南陽太守。後遷河南。治行常第一。好爲民興

利。躬勸耕稼。稀有安居。通溝瀆。起水門提闕。

闕。所以壅水。以

廣灌溉。禁止奢靡。務于儉約。案其不法。以示好惡。其化

大行。戶口增倍。吏民親愛。號曰召父。徵爲少府。請諸離

宮稀幸者。勿復治。省樂府諸戲。及大官不時非法之物。

歲省數十萬。

夏封甘延壽爲義成侯。賜陳湯爵關內侯。

甘延壽等之薄康居斬郅支可謂得臨敵機宜彼雖矯制發兵前既上疏自効後亦未嘗貪功喪師其事固當獎也乃一時口說妄騰後世習而不察往往於汲黯之矯詔發粟則傳為美譚於此則過為吹毛求疵惡勞喜得人之常情盡可鄙矣

初石顯常欲以姊妻甘延壽延壽不取而陳湯素貪所鹵獲財物入塞多不法司隸校尉繫吏士案驗之湯上疏言臣與吏士共誅郅支萬里振旅宜有使者勞迎今司隸反收繫案驗是為郅支報讎也帝立出吏士令縣道具酒食以過軍既至論功顯與匡衡以為延壽湯與師矯制幸得不誅如復加爵土則後奉使者爭欲乘危徼幸為國招難帝內嘉延壽湯功而重違衡顯之議久之不決劉向上疏訟其功疏曰郅支囚殺使者傷威毀重陛下欲誅之意未嘗有忘延壽湯承聖指倚神靈出百死入絕域斬郅支之首掃谷吉之恥且使呼韓喜懼稽首來賓願守北藩累世稱臣勲莫大焉論大功者不錄小過舉大美者不疵小瑕宜以時除過勿治尊寵爵位以勸有功于是封延壽為義成侯長水校尉賜湯爵關內侯射聲校尉時杜

欽上疏追訟馮奉世前破莎車功。帝以先帝時事不復錄。

五月帝崩。

六月太子驚卽位。

是為孝成帝。

太子少好經書。寬博謹慎。後幸酒。

晉灼曰。樂。五。孝。燕。樂。好。酒。也。

反。燕樂。

而傅昭儀子山陽王康有材藝。

上好音樂。或置鞀鼓殿。下。自臨軒檻上。贊銅丸。

以。應。鼓。中。嚴。鼓。之。節。後。宮。左。右。知。音。者。皆。莫。能。而。山。陽。王。亦。能。之。

帝數稱之。駙馬都尉。

史丹。

高之子。

進曰。凡所謂材者。敏而好學。溫故知新。皇太

子是也。若乃器人于絲竹鼓鞀之間。則是陳惠李微。

度。

曰。二人皆。黃門鼓吹。

高子匡衡可相國也。于是帝默然而笑。

其後。中山。

哀王薨。太子前弔。王。帝少弟。與太子游學相長大。上悲。不能自止。而太子不哀。上大恨曰。安有人不慈仁而可。

奉宗廟。為民父母者乎。以責諸丹。丹免冠謝曰。臣誠見。陛下哀痛感損。切戒太子毋哭泣。感傷陛下。臣罪當死。

史丹諫奏或美其能全嫡嗣然成帝繼而新莽之篡定矣所謂中蠱適足以滅

劉且不泣與不衰大相逕
庭元帝憐憫以數言而解
置之不問蓋天欲中衰漢
業有非人力所能為耳

上意乃解。及寢疾。數問尚書以景帝時立膠東王故事。見景帝中

元六年。史丹以親密臣得侍疾。候上獨寢時直入臥內。頓

首伏青蒲。應劭曰。以青規地曰青蒲。自非皇后不得至此。上涕泣言曰。皇太子

以嫡長立。天下莫不歸心。今者道路流言。以為太子有

動搖之議。審若此。公卿以下必以死爭。臣願先賜死。以

示羣臣。帝意感悟曰。無有此議。且皇后謹慎。先帝又愛

太子。吾豈可違指。吾病寢加。恐不能自還。善輔道太子。

丹唏噓而起。太子遂定。至是即位。

以元舅王鳳為大司馬大將軍領尚書事。

尹氏起莘曰。此外戚得權之始。新莽篡弑之漸。履霜堅冰。可不戒哉。

秋七月葬渭陵。永光四年。以渭城壽陵亭部原上為初陵。詔勿治縣邑。既葬。號渭陵。在今西安府咸

陽縣東北。

史臣曰。元帝寬宏恭儉。少而好儒。及卽位。徵用儒生。委之以政。貢薛韋匡。迭爲宰相。而帝牽制文義。優柔不斷。孝宣之業衰焉。

孝成皇帝

已丑。建始元年。春正月。石顯以罪免歸。道死。

時顯徙爲中太僕。

掌皇太后輿馬不常置。

不復典權。丞相御史乃

奏顯舊惡。免官。徙歸故郡。憂懣道死。左遷少府五鹿充

宗爲元菟太守。御史中丞伊嘉爲雁門都尉。及牢梁陳

順皆免官。司隸校尉王尊。

字子贛。涿郡高陽人。

劾奏丞相衡。御史

大夫譚。知顯等專權擅勢。爲海內害。不以時白奏行罰。

而阿諛曲從。附下罔上。無大臣輔政之義。皆不道。事在

王尊數言所謂誅衡譚之心。譚故碌碌衡乃明經者。不大負所學哉。

赦前及赦後。衡譚奏顯不自陳不忠之罪。反言先帝任用傾覆之徒。百官畏之。甚于主上。失大臣體。于是衡慙懼謝罪。上丞相侯印綬。帝新卽位。重傷大臣。乃左遷尊爲高陵注見前。令然羣下多是尊者。衡由是默默不自安。尊初爲益州刺史。行部邛郛。有九折坂。前琅邪王陽過之。嘆曰。奉先人遺體。奈何數乘此險。遂以病去。及尊至其坂。曰。此非王陽所畏道邪。叱其馭驅之。曰。王陽爲孝子。王尊爲忠臣。九折坂在四川雅州府榮經縣西邛郛山。

有星孛于營室。

營室二星。天子之宮。軍糧之府。又土功事。

封舅光祿大夫崇爲安成侯。賜譚商立根。逢時。爵關內侯。

後崇卒。有遺腹子奉世。嗣侯。

夏四月。黃霧四塞。

詔博問公卿大夫。無有隱諱。諫大夫楊興。博士駟勝等。皆以爲陰盛侵陽之氣也。高祖之約。非功臣不侯。今太后諸弟。皆以無功爲侯。外戚未曾有也。大將軍鳳懼。上書辭職。優詔不許。

秋八月。有兩月相承。服虔曰。相承。在上下也。晨見東方。

九月。流星光燭地。

長四五丈。委曲蛇形。貫紫宮。注見前。

冬十二月。作南北郊。罷甘泉汾陰祠。

匡衡奏言。祭天于南郊。就陽之義也。瘞地。顏師古曰。祭地曰瘞。葬故。

云瘞。于北郊。卽陰之象也。往者孝武帝于雲陽。注見前。立

泰畤。郊見皇天。反北之泰陰。于汾陰祠后土。反東之少

陽與古殊制。宜徙置長安。定南北郊。為萬世基。上從之。

既定。衡又言。享帝之義。貴誠上質。紫壇偽飾。女樂古曰。顏師

漢舊儀。祭天用六絳綺。席六重。用玉几。玉飾器。凡七十。女樂。使童男童女俱歌也。及鸞路。騂駒。

龍馬。石壇之類。宜皆勿修。又雍邸密上下時。本秦所立。

不當遵。上皆從焉。明年。復奏罷陳寶祠。祠在今陝西鳳翔府寶雞縣。史記封禪書。秦文公

獲若石于陳倉北阪城。祠之。其神來常以夜。光輝若流星。從東南來。集于祠城。則若雄雞。其聲殷云。以一半祠。

命曰陳寶。

庚寅二年春正月。始親祠南郊。

赦奉郊縣。長安奉南郊。長陵奉北郊。減天下賦算錢四十。

三月。始祠后土于北郊。

立皇后許氏。

后車騎將軍嘉之女。元帝傷母恭哀后居位日淺。遭霍

氏之辜。故選嘉女以配太子。至是立為后。帝自為太子時以好色聞。

及即位。皇太后詔采良家女以備後宮。杜欽說王鳳曰。主上富于春秋。未有適嗣。方鄉術入學。將軍宜建九女之制。詳擇行義之家。求淑女之質。母必有聲色技能。為萬世大法。鳳不能用。公羊傳諸侯一娶九女。故欽曰。

九女之制。

夏大旱。

辛卯三年秋大雨。京師民訛言大水至。

關內大雨四十餘日。京師民相驚言大水至。奔走相蹂

躐。長安中大亂。王鳳以為太后與上及後宮可御船令

民上城避水。王商宣帝舅。樂昌侯武之子。嗣爵為左將軍。曰。此必訛言。不

宜重驚百姓。乃止。有頃稍定。問之。果訛言。上于是美壯

商之固守。數稱其議。而鳳大慚恨。

八月。策免大司馬車騎將軍許嘉。

欲專任王鳳。故免嘉。

冬十二月。戊申朔。日食。夜地震。未央宮殿中。詔舉直言極諫之士。

杜欽

延年子。字子夏。茂陵杜鄴。與欽同姓字。俱以材能稱。欽目偏盲。故京師謂欽盲。杜子夏以相別。欽惡

以疾見詆。乃為小冠。由是京師更謂欽小冠。杜子夏云。谷永。吉之子。上對。皆以為

女寵太盛。嫉妬專上。將害繼嗣之咎。

丞相樂安侯匡衡有罪。免為庶人。

初。衡子昌為越騎校尉。醉殺人。繫獄。昌弟謀篡。奪取也。昌

事發覺。衡徒跣待罪。帝優禮之。至是。司隸校尉劾衡多

匡衡請經義。意治道。乃始以外戚史高而進。終以縱奪。邑而敗。進退無據。斯

取封邑四百頃。免為庶人。終于家。

壬四年春正月。隕石于亳。

注見前。

四。于肥。纍。

漢縣。即春秋肥子國。注見前。

二。

罷中書宦官。初置尚書員五人。

注見前。

三月。以王商為丞相。

夏四月。雨雪。復召直言極諫之士。詣白虎殿。

三輔黃圖。未央宮有白虎殿。

對策。

時上委政王鳳。議者多歸咎焉。谷永以鳳方柄用。陰欲

自托。乃曰。方今四夷賓服。皆為臣妾。骨肉大臣。有申伯

之忠。無重合。

馬。何。羅。弟。通。封。侯。事。見。前。

安陽。

上官桀。博陸。霍。禹。事。見。前。

之亂。竊恐陛下歸咎無辜。重失天心。不可之大者也。誠

谷永仕欽依憑權貴。心為私門。走狗而巧於辭。雖指斥宮帷。沽直諫之名。雖明經術。竊經術之罪人。

宜深察愚言。解偏駁之患。使列妾得人人進益。糾官于婦人。以慰釋皇太后之憂。愠解謝上帝之譴怒。杜欽亦倣此意。上以永爲光祿大夫。

秋。桃李實。

河決。

先是清河都尉馮遂

遂由長樂屯衛司馬遷都尉。

奏言。郡承河上流。

土壤輕脆易傷。頃所以無大害者。以屯氏河通。兩川分

流也。今屯氏河塞。靈鳴犢口又益不利。獨一川兼受數

河之任。雖高增隄防。終不能泄。九河

注見前。

今旣難明屯

氏河絕未久。其處易浚。又其口所居高。于分殺水力。道里便宜。可復浚以助大河。泄暴水。備非常。事下丞相御

史議格不行。至是大雨十餘日。河果決于館陶。及東郡金隄。凡灌四郡三十二縣。水居地深者三丈。事聞。以御史大夫尹忠對方畧疏濶。切責之。忠自殺。遣大司農并人名。非子之。調均錢穀。存給所灌之郡。後以名爲氏。調均顏師古曰。調發均平。錢穀于遭水之郡。使存給也。謁者發河南以東漕船五百艘。先勞徙民避水。

將軍鳳以陳湯爲從事中郎。

帝初卽位。匡衡奏陳湯奉使顓命。盜所收康居財物。湯生免。後湯以言事不實。湯言康居王于非王。按驗實王于也。下獄當死。

谷永上疏訟湯曰。君子聞鼓鼙之聲。則思將帥之臣。湯前斬郅支。威震百蠻。今坐言事非是。欲致之大辟。非所

以厲死難之臣也。書奏，乃詔出湯，奪爵為士伍。會西域

都尉段會宗

字子松，上邽人。

為烏孫所圍，驛騎上書。鳳言：湯多

籌策，習外國事，可問。上召見宣室，示以會宗奏。湯知烏

孫瓦合不能久攻，屈指計曰：不出五日，當有吉語聞。居

四日，軍書到，言已解。鳳奏以為從事中郎，幕府事一決

于湯。

後湯坐惑眾不道，免為庶人，徙邊。議郎耿育復訟其冤，乃赦還長安卒。

癸巳

河平元年春，以王延世犍為資中人為河隄使者，塞河決。

杜欽薦王延世為河隄使者。延世以竹落長四丈，大九

圍。

集解：落與絡通，以竹篾為外藩而籠絡之。

盛以小石，兩船夾載而下之。三

十六日隄成。于是改元河平。以延世為光祿大夫，賜爵

關內侯。

後二歲，河復決平原，流入濟南千乘，所敗壞者半。建始時，復遣延世同丞相史楊焉治之。六月

乃成。

夏四月己亥晦日食。詔百官陳過失。

時許皇后專寵。後宮希得進見。中外皆憂上無繼嗣。劉向杜欽谷永皆以爲言。上于是減省椒房掖庭用度。皆如竟寧以前故事。

秋減死刑省律令。

詔曰。今大辟之刑。千有餘條。律令煩多。百有餘萬言。奇

居宜請別有所請以定罪也。他比。毗至反。謂引他類以反。請別有所請以定罪也。

日以益滋。自明習者不知所由。欲以曉喻衆庶。不亦難

乎其議。減死刑及可蠲除約省者。令較然易知。條奏時

有司不能廣宣上意。徒鉤摭微細。毛舉數事。以塞詔而

已。

甲午二年春正月沛郡本秦泗水漢改曰沛治相故城在今江南鳳陽府宿州鐵官治

鐵飛劉友益曰金失其性也

夏楚國雨雹

大如釜

悉封諸舅為列侯

王譚為平阿侯商為成都侯立為紅陽侯根為曲陽侯
逢時為高平侯五侯同日封故世謂之五侯

免京兆尹王尊官復以為徐州刺史

先是尊因王鳳薦時南山盜宗備等為吏民害校尉傳剛不能禽故薦尊徵為諫

大夫守京輔都尉行京兆尹事旬月間盜賊清遷光祿

大夫守京兆尹。凡三歲。御史大夫張忠奏尊暴虐。免官。

吏民多惜之。湖三老

注見前。

公乘興等上書訟尊治京兆。

前所希有。今御史大夫奏尊。原其所以出御史丞楊輔。

與尊有怨。外依公事。傳致奏文。臣等竊痛尊修身砥節。

功著職修。昨以京師賊亂。選用為卿。賊亂既除。即以佞。

巧廢黜。一尊之身。三期之間。乍賢乍佞。豈不甚哉。于是。

復以尊為徐州刺史。

後遷東郡太守。久之。河水溢。尊親祀水神。請以身填金隄。因止宿隄。

上。及水盛隄壞。吏民奔走。尊立不動。水波稍卻。三十七朱英等奏狀。上嘉之。秩尊中二千石。數歲卒于官。

乙未三年春二月。犍為地震。山崩。

壅江水逆流。

秋八月乙卯晦日食。

心知之而不能奪在他人
皆可言在為君者實無是
理也

求遺書。

帝以中秘書頗散亡。使謁者陳農求遺書于天下。詔光祿大夫劉向校之。向以王氏權位太甚。而上方嚮詩書古文。乃因尚書洪範。集合上古以來。歷春秋六國至秦漢。符瑞災異之記。推迹行事。著其占驗。號曰洪範五行傳論。奏之。帝心知向忠。故為鳳兄弟起此論也。然終不能奪王氏權。

丙申四年春正月。匈奴單于來朝。

初。呼韓邪單于死。子復株鞬若鞮單于

名雕陶立。事在莫臯。建始

二年。因遣右臯林王伊邪莫演奉獻。既罷。伊邪莫演自言欲降。議者言宜受之。谷永杜欽以為單于稱臣。無有二

心。今既享其聘貢之職。而更受其逋逃之臣。是貪一夫之得。而失一國之心也。假令單于初立。使之詐降。以卜吉凶。或設爲反間。欲因而生隙。受之適合其策。使得歸曲而責直。此誠邊境安危之原。不可不詳也。不如勿受。以昭日月之信。抑諉詐之謀。上從之。至是。單于遂入朝。

丞相王商多質。有威重。容貌絕人。單于拜謁商。仰視。大畏之。遷延却退。上聞而嘆曰。真漢相矣。

三月癸丑朔。日食。

夏四月。詔收丞相樂昌侯王商印綬。商以憂卒。

琅邪太守楊彤。與王鳳連昏。其郡有災害。商按問之。鳳以爲請。商不聽。竟奏免彤。奏寢不下。鳳以是怨商。使人告商淫亂事。上以爲暗昧之過。不足以傷大臣。鳳固爭。

下其事司隸。大中大夫張匡素佞巧。復上書極言詆商。

詔勿治。鳳固爭之。乃使使者收商丞相印綬。商免。相三

日發病。歐血卒。諡戾侯。子弟親屬皆出補吏。莫得留。給事宿衛者。不司請除國邑。詔子

安嗣侯。

以張禹

字子文。河內軹人。徙蓮勺。為丞相。封安昌侯。

上為太子。受論語于禹。

禹從琅邪王陽膠東庸生問論語。以博士鄭寬薦。詔授太子論

語。及即位。賜爵關內侯。拜光祿大夫給事中。與王鳳並

領尚書。禹內不自安。數病。上書求退。上不許。撫待愈厚。

遂以為相。

蜀賓

治循鮮城。去長安萬二千二百里。明史西域傳。撒馬兒罕。即漢蜀賓地。隋曰漕國。唐復曰蜀賓。去嘉峪關

九千六百里。遣使來獻。

初武帝通西域。罽賓以絕遠。漢兵不能至。獨不服。數剽

殺漢使。元帝時遣使者上書謝。帝放其使者于懸度。去陽

關五千八百八十八里。在烏秬國西。石山也。谿谷不通。以繩索相引而度。絕而不通。至是復

遣使來獻。漢欲遣使者報送其使。杜欽說王鳳曰。罽賓

前親逆節。故絕而不通。今悔過來而奉獻者。皆行賈賤

人。欲通貨市。買以獻為名。使者承至尊之命。送蠻夷之

賈。非計也。業已受節。可送至皮山。國名。治皮山城。去長安萬五十里。西南當

罽賓道。而還。于是鳳白從欽言。罽賓實利賞賜。賈市其使

數年而一至云。罽賓民巧。雕文刻鏤。治宮室。織罽。刺文繡。以金銀為錢。文為騎馬。幕為人面。出

封牛。孔雀。珠璣。珊瑚。虎魄。流離。明史西域傳。其國傳有照世杯。光明洞澈。照之可知世事云。

丁陽朔。以前年山陽火。元年春二月。丁未晦。日食。

冬下京兆尹王章

字仲卿秦獄殺之出鉅平人

章初爲中郎將毀中書令石顯爲顯所陷免官及帝立

擢司隸校尉遷京兆尹時大將軍鳳用事上謙讓無所

顧章素剛直敢言雖爲鳳所舉非鳳專權不親附鳳乃

奏封事言日食之咎帝召見延問

上卽位數年無繼嗣定陶王來朝太后與

上承先帝意遇王甚厚留之不遣歸國旦夕侍上甚見

親重鳳心不便會日食因言日食陰盛之象定陶王當

奉藩在國今留侍京師詭正非常故天見戒宜

遣之國帝不得已許之王辭去上與涕泣而決章因對

曰陛下未有繼嗣引近定陶王所以承宗廟奉社稷上

順天心下安百姓何故致災異災異之發爲大臣顓政

者也今鳳不內省責反歸咎于定陶王建遣之國欲使

天子孤立于上顓擅朝事以便其私且鳳誣罔不忠非

一事也。前丞相商守正不隨，爲鳳所罷，身以憂死。鳳小婦弟張美人已嘗適人，託以爲宜子。內之後宮，以私其妻弟。此三者皆大事。陛下所自見，足以知其餘。鳳不可令典事，宜選忠賢以代之。上聞章言，感寤，謂章曰：「君試爲朕求可以自輔者。」章薦琅邪太守馮野王。鳳聞甚懼，杜欽令鳳上疏乞骸骨，辭甚哀。太后聞之，垂涕不食。上乃彊起鳳，而使尚書劾章。奏章知野王前以王舅出補吏而私薦之。阿附諸侯又張美人體御至。下章吏廷尉致其大逆罪。章竟死獄中。爲諸生獨與妻居。章疾病無被，卧牛衣中，與妻共涕泣。後章爲京兆，欲上封事，妻止之曰：「人當知足，獨不念牛衣中涕泣時耶？」章曰：「非女子所知也。」書上，果下獄。妻子皆收繫。章小女年可十二，夜起號哭曰：「平時獄上呼囚數，常至九，今八而止，我君素剛，先死者必君，問之果死。」妻子皆徙合浦，自是公卿

見鳳側目而視。野王懼不自安。遂病滿三月。賜告歸杜陵。就醫藥。鳳風御史劾奏野王。賜告養

病而私自持虎符出界歸家。奉詔不敬。免官。

以薛宣

字贛君。東海郯人。

為左馮翊。

宣為郡。所至有聲迹。

宣由長女令補御史中丞。出為臨淮太守。遷陳留太守。

及為

左馮翊。屬令有楊湛。謝游。皆貪猾不遜。宣察湛有改過

之效。乃密書曉之。游自以大儒輕宣。獨移書顯責之。二

人得檄。皆解印綬去。宣得吏民罪名。即告其縣長吏。使

自行罰。曰。不欲代縣治。奪賢令長名也。

戊戌

二年夏四月。以王音

太后從弟。為御史大夫。

于是王氏愈盛。郡國守相刺史。皆出其門。五侯羣弟。爭為奢侈。賂遺珍寶。四面而至。然皆好士養賢。傾財施予。

賓客競爲之聲譽。劉向上封事極諫曰。王氏一姓。乘朱

輪華轂者二十三人。青紫貂蟬。充盈幄內。大將軍秉事

用權。五侯驕奢僭盛。依東宮。顏師古曰。東宮。太后所居。之尊。假甥舅

之親。以爲威重。筦執樞機。朋黨比周。稱譽者登進。忤恨

者誅傷。排擯宗室。孤弱公族。外戚僭貴。未有如王氏者

也。物盛必有非常之變。先見爲其人微象。王氏先祖墳

墓在濟南者。其梓柱生枝葉。扶疎上出屋。根重地中。事

勢不兩大。王氏與劉氏不並立。如下有泰山之安。則上

有累卵之危。陛下爲人子孫。守持宗廟。而令國祚移于

外親。縱不爲身。奈宗廟何。宜發明詔。接近宗室。疏遠外

戚。子子孫孫。無疆之計也。書奏。帝召見向。歎息悲傷其

意曰。君且休矣。吾將思之。然終不能用其言。

秋。關東大水。

己亥三年春三月。隕石東郡八。

秋八月。大司馬大將軍鳳卒。九月。以王音爲大司馬車騎將軍。詔王譚位特進。領城門兵。

王鳳疾。上臨問之。執手涕泣曰。將軍病如有不可言。平阿侯譚次將軍矣。鳳頓首泣曰。譚等雖至親。行皆奢僭。不如御史大夫音謹敕。臣敢以死保之。初。譚倨不肯事鳳。而音敬鳳卑恭如子。故鳳薦之。鳳卒。上以音代鳳。而詔譚領城門兵。由是譚音相與不平。

庚子四年夏四月。雨雪。

以王駿

吉之子

為京兆尹。

駿經明行修。以陳咸、匡衡薦。遷諫大夫。歷官至少府。帝欲大用之。出為京兆。京兆典京師。于三輔尤為劇。唯趙廣漢、張敞、王尊、王章及駿皆有能名。故京師稱曰前有趙張。後有三王。

辛丑鴻嘉元年春二月。帝始微行。

上從期門郎。或私奴。或乘小車。或皆騎。出入市里郊野。遠至旁縣。鬪雞走馬。常自稱富平侯家人。富平侯者。侍中張放也。放。安世元孫。元帝妹敬武公主之子。昭皇后弟平恩侯許嘉女。襲封富平侯。為侍中。中郎將。監長樂屯兵。儀比將軍。與上同卧起。寵幸無比。故假稱之。

三月。丞相禹罷。夏四月。以薛宣為丞相。

封高陽侯。

禹以老病罷朝。朝望位特進。賞賜甚厚。宣為相。官以左少府。谷永言宣經術文雅。足以謀王。官屬譏其煩碎無體。國論乃擢為御史大夫。遂相。大體不稱賢也。

壬寅

二年春三月。飛雉集未央宮承明殿。

三輔黃圖。未央宮有承明殿。

博士行大射禮。

胡三省注。古者天子諸侯大夫士。皆有大射之禮。博士所行。士之射禮也。有

飛雉集于庭。登堂而雉。又集太常宗正丞相御史車騎府。又集未央宮承明殿。王音言曰。天地之氣。以類相應。譴告人君。甚微而著。雉者聽察。先聞雷聲。故經載高宗雉雉之異。事見前。以明轉禍為福之驗。今以博士行禮之日。大眾聚會。飛集于庭。歷階登堂。歷三公之府。典宗廟骨肉之官。然後入宮宿留。其曉人備具深切。雖人道相

戒何以過是。

後帝使詔音曰。聞捕得雉。毛羽頗摧折。類拘執者。得無人爲之。音復對曰。誰爲佞諂。

之語。誣亂聖聽。如此。陛下卽位十五年。繼嗣不立。日日駕車而出。流聞海內。皇天數見災異。尚不能感動陛下。臣子何望。獨有極言待死。命在朝暮而已。如有不然。高祖天下。當以誰屬乎。宜謀于賢。知克已復禮。以求天意。則繼嗣可立。災異尚可銷也。

癸卯

三年夏。王氏五侯有罪。詣闕謝。赦不誅。

王氏五侯爭以奢侈相尚。商嘗病。從上借明光宮。後又穿城引水。注第中大陂以行船。立羽蓋。張周帷。上幸商第。見而銜之。後微行出。過曲陽侯第。又見園中土山漸臺。象白虎殿。于是怒。以讓車騎將軍音。而根欲自黜。劾以謝太后。上大怒。使尚書責問司隸。京兆知商等奢僭不軌。阿縱不舉奏。又賜音策書曰。外家宗族。疆上一身。

浸弱日久。今將一施之。師古曰。行刑罰。君其召諸侯令待府舍。

是日詔尚書奏文帝時誅將軍薄昭故事。音藉稟請罪。

商立根皆負斧質謝。上竟不忍誅。

冬十一月廢皇后許氏。

初許皇后與班婕妤

班氏。楚鬬班之後。以名爲氏。婕妤。越騎校尉況女。

皆有寵。

上嘗游後庭欲與婕妤同輦。辭曰。觀古圖畫。聖賢之君。

皆有名臣在側。三代末主。乃有嬖妾。今欲同輦。得無近

似之乎。上善其言而止。太后聞之喜曰。古有樊姬。列女傳。樊姬。楚莊王夫人。王好獵。姬數諫不聽。乃不食禽獸肉。二年。王感之而勤政事。今有班婕妤。後

帝微行。過陽阿主家。悅歌舞者趙飛燕。召入宮。大幸。女

弟復召入。姿性尤醲粹。左右皆噴噴嘆賞。有宣帝時披香博士淖方成。在帝後。唾曰。此禍水也。滅火。

必矣。姊弟俱為僥倖。貴傾後宮。于是譖告許皇后。班倢伃

祝詛主上。

后姊平安剛侯夫人謁等為媚道。祝詛後宮。有身者王美人及王鳳等。事發覺。太后大怒。

下吏考問。謁等誅死。

許后廢處昭臺宮。考問班倢伃。對曰。妾聞死

生有命。富貴在天。修正尚未蒙福。為邪欲以何望。使鬼

神有知。不受不臣之愆。如其無知。愆之何益。故不為也。

上善其對。赦之。倢伃久恐見危。乃求其養太后于長信

宮。上許之。

後帝崩。倢伃充奉園陵。卒。因葬園中。

甲辰四年秋。河水溢。

渤海。清河。信都。河水溢。灌縣邑三十一。敗官亭民舍

四萬餘所。李尋

平陵人。字子長。治尚書。好洪範災異。

等奏言。議者常欲索

九河故道而穿之。

時河隄都尉許商與丞相史孫禁共行視圖方畧。禁以為可決平原金隄。

間開通大河。令入故篤馬河。至海五百里。商以爲古九河。有徒駭。胡蘇。鬲津。今見在成平。東光。鬲。界中相去二百餘里。今河雖數移徙。不離此域。禁所欲開。在九河南。失水之迹。不可訖。公卿皆從商言。篤馬河在山東平原縣。逕樂陵。陽信。其入海處。亦曰陷河。徒駭河。胡渭以爲卽禹河入海故道。注見前。胡蘇河在直隸東光縣。今縣有胡蘇亭。于欽齊乘曰。滄州南有大連灘。卽胡蘇也。鬲津河在今山東德州。逕德平。樂陵。至海豐入海。成平。鬲。皆漢縣。注見前。東光。今縣屬直隸河間府。今因其白決。可且勿塞。以觀水勢。河欲居之。當稍自成川。跳出沙土。然後順天心而圖之。必有成功。而用財力寡。于是遂止。不塞。朝臣數言百姓可哀。上遣使者振贍之。

冬。以趙護

河東都尉

爲廣漢太守。討賊鄭躬等。平之。

先是。廣漢鄭躬等。篡囚徒。盜庫兵。自稱山君。

事在三年。

至是。黨與寢廣。犯歷四縣。拜護爲太守。發郡中及蜀郡兵。合

三萬人擊之。或相捕斬除罪。旬月平。遷護爲執金吾。後陳

留樊並。山陽鐵官徒蘇令復攻殺長吏。自稱將軍。延歷數郡。皆卽捕誅。事在永始三年。

王譚卒。詔王商位特進。領城門兵。

譚卒。上悔前廢之。不輔政而薨也。乃復詔成都侯商以

特進領城門兵。置幕府。得舉吏如將軍。杜鄴說音。宜承聖意。加異

往時。每議必與及之。音由是與商親密。

乙巳永始元年。夏四月。封趙臨爲成陽侯。下諫大夫劉輔。河間

宗。獄論爲鬼薪。

上欲立趙婕妤爲皇后。皇太后嫌其所出微。難之。太后

姊子淳于長。魏郡元城人。少爲黃門郎。王鳳薦至。往來通語。歲餘。始

許之。乃先封婕妤父臨爲成陽侯。劉輔上言。臣聞天之

所與必先賜以符瑞。天之所違必先降以災變。此自然之占驗也。昔武王周公承順天地以饗魚鳥之瑞。然猶君臣祇懼動色相戒。況于季世不蒙繼嗣之福。屢受威怒之異者乎。雖夙夜自責改過易行。妙選有德之世。考卜窈窕之女以承宗廟。順神祇子孫之祥。猶恐晚暮。今乃觸情縱欲。傾于卑賤之女。欲以母天下。惑莫大焉。書奏詔繫掖庭秘獄。顏師古曰漢書舊儀掖庭詔獄令丞宦者爲之主理婦人女官也。于是辛慶忌。武賢子。廉褒。師丹師以官爲氏丹字仲公琅琊東武人。谷永俱上書救援。畧曰臣聞明王垂寬容之聽不罪狂狷之言。然後百僚竭忠不懼後患。竊見劉輔前以縣令求見擢爲諫大夫旬月之間下秘獄臣愚以爲輔新從下土來未知朝廷體獨觸忌諱不足深過。如有大惡宜暴治理官與衆共之。惟陛下留神省察。上乃徙繫輔共工獄。師古曰少府之屬官也亦

白居易詩以周公王莽真
偽必於事後始見乃世俗
謬悠之論向嘗有詩反其
意夫周公不具論若莽色
取行違卽虛譽隆洽時其
蹟一一可按何待事後哉

有詔減死罪一等論爲鬼薪終于家

五月封太后弟子莽爲新都侯

國南陽新野之都鄉

太后兄弟八人獨弟曼早死不侯子莽幼孤時五侯侈

靡子弟以輿馬聲色佚游相高莽因折節爲恭儉勤身

博學被服如儒生事母及寡嫂養孤兄子行甚敕備又

外交英俊內事諸父曲有禮意鳳且死以莽託太后及

帝拜黃門郎久之成都侯商又請分戶邑封莽至是封

新都侯遷騎都尉光祿大夫侍中宿衛謹敕爵位益尊

節操愈謙振施賓客家無所餘收贍名士交結將相故

在位更推薦之虛譽隆洽傾其諸父矣

六月立健仔趙氏爲皇后

后既立。寵少衰。而其女弟絕幸。爲昭儀。居昭陽宮。皆以黃金白玉明珠翠羽飾之。自後宮未嘗有焉。后居別館。多通侍郎宮奴多子者。然卒無子。光祿大夫劉向以爲主教由內及外。自近者始。于是采取詩書所載賢妃貞婦興國顯家及孽嬖爲亂亡者。序次爲列女傳。又采傳記行事著新序說苑奏之。數上。疏言得失。陳法戒。上雖不能盡用。然內嘉其言。常嗟歎之。

秋七月。詔罷昌陵。反故陵。勿徙吏民。

初。元帝儉約。渭陵不復徙民起邑。至帝以渭城延陵亭

部

在今西安府咸陽縣西北

爲初陵。數年復樂霸陵曲亭南。更起昌

陵。營之。將作大匠解萬年。自詭三年可成。請徙郡國豪

傑于昌陵。帝從之。制度泰奢。功久不就。劉向上書諫。畧

孝文皇帝嘗美石椁之固。張釋之曰。使其中有可欲。雖錮南山。猶有隙。夫死者無終極。而國家有廢興。故釋之之言。為無窮計也。黃帝堯舜禹湯文武周公。邱龍皆小葬。具甚微。其賢臣孝子。亦承命順意。而薄葬之。此誠奉安君父。忠孝之至也。孔子葬母于防墳。四尺。延陵季子葬其子。封墳掩坎。其高可隱。故仲尼孝子。而延陵慈父。舜禹忠臣。周公弟弟。其葬君親骨肉。皆微薄。非苟為儉誠。便于體也。秦始皇帝葬于驪山之阿。下錮三泉。土崇山墳。數年之間。項籍燔其宮室營宇。牧兒持火。照求亡羊。失火燒其藏椁。是故德彌厚者。葬彌薄。知愈深者。葬愈微。邱隴彌高。宮廟甚麗。發掘必速。唯陛下上上感其覽明聖之制。以為則。下觀亡秦之禍。以為戒。上感其

言。詔罷昌陵。反故陵。勿徙吏民。萬年以邪佞。徙敦煌。

封蕭何六世孫喜為鄼侯。

喜時為南綽。

漢縣。隋更名鉅鹿。今屬直隸邯鄲府。長以杜業請故封。喜傳

孫禹更為南綽侯。王莽敗。絕。

八月太皇太后崩。宣帝即成王皇后。

九月黑龍見東萊。

丁巳晦日食。

丙午二年春正月大司馬車騎將軍音卒。諡曰敬。

王氏惟音為修整數諫正有忠節。子舜嗣為太僕侍中。

二月星隕如雨。是月乙酉晦日食。

谷永為涼州刺史。奏事京師。上使尚書問永所欲言。時

帝溺于燕樂。皇太后與王商等深以為憂。乃使永因天

變切諫。而勸上納用之。永亦知有內應。展意無所依違。

遂具疏對。畧言。去年九月龍見日食。今年二月星隕。日食。六月之間。太異四發。三代之末。未嘗聞也。

臣聞三代所以隕喪者。皆由婦人與羣惡。沈湎于酒。秦所以亡者。養生泰奢。奉終泰厚也。今陛下兼而有之。建

始河平之際。許班熏灼四方。女寵極矣。今之後起。什倍于前。掖庭獄阱。生入死出者。不可勝數。是以日食再既。以昭其辜。陛下棄萬乘之至貴。樂家人之賤事。聚僇輕無義小人。以為私客。數離深宮。晨夜與羣小相隨。烏集吏民之家。亂服共坐。沈湎嫖嫖。典門戶奉宿衛之臣。執干戈而守空宮。公卿百僚。不知陛下所在。積數年矣。陛下輕奪民財。不愛民力。去高敞初陵。改作昌陵。大興繇役。靡敝天下。五年不成。而後反。故百姓怨恨。上下俱匱。無以相救。漢興九世。繼體之主。或以中興。或以治安。陛下獨違道縱欲。輕身妄行。無繼嗣之福。有危亡之憂。為人後嗣如此。豈不負哉。誠肯昭然遠寤。舊愆畢改。對上新德。既章。則大異可銷。天命可復。社稷宗廟可保。對上大怒。王商密摘永令發去。上使侍御史收永。敕過交道。既在今西安府咸陽縣西北者勿追。御史不及。永還。上意亦解。

三月。以王商為大司馬衛將軍。王立位特進。領城門兵。

侍中張放以罪左遷北地都尉。

上嘗與張放等宴飲禁中。皆引滿舉白。談笑大噱。時乘

輿。握坐屏風。畫紂醉踞姐已。作長夜之樂。侍中班伯况

子。從行之弟。以玉鳳薦。由中常侍至侍中。光祿大夫。久疾新起。入見。上指畫問之。

曰。此圖何以示戒。伯對曰。沈湎于酒。微子所以告去也。

式號式譴。大雅所以流連也。詩書淫亂之戒。其原皆在

于酒。上乃喟然嘆曰。吾久不見班生。今日復聞讜言。放

等不懌。稍自引起更衣。因罷出。後上朝東宮。太后泣曰。

帝間顏色瘦黑。班侍中本大將軍所舉。宜寵異之。以輔

聖德。遣富平侯且就國。上曰。諾。時上諸舅皆害放寵。聞

太后言。風丞相薛宣御史大夫翟方進。子威。汝南上蔡人。奏放

罪惡。上不得已。左遷放爲北地都尉。數月。徵入爲侍中。

復出爲天水屬國都尉。上雖愛放。然上迫太后。下用大

臣故常涕泣而遣之。既去，璽書勞問不絕。

後放歸。侍母疾，疾瘳，出為

河東都尉。復徵為侍中。丞相翟方進復奏放。上不得已。免放。賜錢五百萬。遣就國。及帝崩，放思慕哭泣而死。

冬十一月，策免丞相宣及御史大夫翟方進，復以方進為

丞相。

封高陵侯。

孔光

字子夏。孔子十

子。為御史大夫。

太皇太后王氏崩，喪事倉卒，吏賦斂以趨辦。

師古曰：趨，讀曰趣。與

促同。言

上以過丞相御史，策免宣為庶人。方進左遷執

金吾，丞相官缺，羣臣多舉方進。上亦器其能，擢方進為

丞相，以光為御史大夫。

方進公潔，請托不行。持法刻深，任勢立威。中傷甚多。陳咸、朱博、

蕭育、逢信、孫闕之屬皆京師世家，以材能少歷牧守，列

卿。知名當世。方進據法以彈，皆罷退之。有言其挾私，試

欺者，上以方進所舉應科，不以為非也。光領尚書，典樞

機十餘年，上有所問，據經法以心所安而對，不希指苟

其所欲者，不過陳咸、蕭育等無足重輕之人。不法如丘侯則噤不一語矣。至稱孔光不希指苟合夫附董

賢頌王莽無所不為豈其
少尚廉隅老而貶節耶然
史論當要以終身不可阿
其所好

恐其人聞知沐日歸休。兄弟妻子燕語。終不及朝省政
事。或聞光溫室樹皆何木也。光不應。更答以他語。其不
泄如是。

丁未三年春正月己卯晦日食。

冬十月復泰時汾陰五時陳寶祠。

初帝罷甘泉泰時。

事在建始元年。

其日大風壞甘泉竹宮。

禮樂志。

帝用事甘泉園丘。

至夜常有神光。天子自竹宮而望拜。韋昭曰。以竹為宮。天子居中。漢舊儀云。竹宮去壇三里。

折拔時中樹木十圍以上百餘。帝異之以問劉向。對曰。

家人尚不欲絕種祠。況于國之神寶舊時。且其始立。皆

有神祇感應。誠未易動。上意恨。

顏師古曰。悔也。

又以久無繼

嗣。令詔有司復甘泉泰時。汾陰后土如故。及雍五時。陳

倉陳寶祠。是時上頗好鬼神方術。祠祭費用多。谷永上

書曰。臣聞明于天地之性。不可惑以神怪。知萬物之情。不可罔以非類。諸背仁義之正道。不遵五經之法言。而盛稱奇怪鬼神。及有仙人服食不終之藥。黃白變化之術者。皆詐僞欺罔。聽其言洋洋滿耳。若將可遇。求之盪盪。如繫風捕景。終不可得。是以明主距而不聽。聖人絕而不語。惟陛下距絕此類。毋令姦人有所闖闚。上善其言。後帝崩。復南北郊。長安如故。哀帝建平二年。又復甘泉泰畤。汾陰后土祠。至平帝元始五年。復南北郊。如匡衡等議。

故南昌尉梅福

九江壽春人。明尚書。穀梁春秋。爲郡文學。補南昌尉。

上書不報。

福數因縣道上變事。

顏師古曰。附縣道之使而封奏也。

輒報罷。至是復

上書曰。士者國之重器。得士則重。失士則輕。臣聞齊桓

之時有以九九見者。

顏師古曰九九算術。若今九章之類。

桓公不逆。今臣

所言。非特九九也。自陽朔以來。羣臣皆承順上指。莫有

執正。故京兆尹王章面引廷爭。戮及妻子。折直士之節。

結諫臣之舌。天下以言爲戒。最國家之大患也。往者不

可及。來者猶可追。方今君命犯而主威奪。外戚之權。日

以益隆。陛下不見其形。願察其景。建始以來。日食地震。

三倍春秋。水災亡與比數。陰盛陽微。金鐵爲飛。

事見此

何景也。親親之道。全之爲右。今廼尊寵其位。授以魁柄。

勢凌于君。權隆于主。然後防之。亦亡及已。上不納。

時福家居

常以讀書養性爲事。至元始中。王莽顓政。福一朝棄妻

子去。人傳以爲仙。其後有見之于曾稽者。變名姓爲吳市門卒云。

武當二千石有罪應時輒
奏正所云守法盡公亦何
須赫赫名哉後以所舉方
正詭眾虛偽全遷或其生
平與延問諸生本有亡
取去思之意以致亟遣莫
辨即觀人者所以必察其
所安也

戊申四年秋七月辛未晦日食。

以何武

字君公蜀郡郫縣人

為京兆尹。

武為吏守法盡公進善退惡所居無赫赫名去後常見
思其為刺史時二千石有罪應時輒奏行部必先即學
宮見諸生問以得失然後入傳舍問墾田美惡已見二
千石

後以所舉方正詭眾虛偽坐左遷楚
內史又遷沛郡太守復入為廷尉

